

QUAESTIONUM SCENICARUM

SPECIMEN PRIMUM.

quo

ORATIONEM D. X^{mo} M. JULII H. ANTEM. X^{ma}

IN AUDITORIO MAXIMO GYMNASII REGII JOACHIMICI

MUNERIS AUSPICANDI CAUSA RECITANDAM,

INDICIT.

AUGUSTUS MEINEKE,

SUSATO - MARCHICUS,

ILLUSTRISSIMO GYMNASII REGII JOACHIMICI DIRECTORI

DESIGNATUS.

BEROLINI,

• TYPIS SPENERIANIS.

MDCCCXXVI.

Cum multa habeat graecae antiquitatis pervestigatio egregia ad liberalem ingenii cultum et eruditionem adjumenta, tum haud scio an nihil sit, in quo quis cum majori et utilitatis et voluptatis fructu studium operamque suam collocare possit, quam in idonea literariae, quam vocant, historiae explanatione. Nam si ea est animi bene a natura informati indoles et ratio, ut earum maxime rerum contemplatione capiatur, quas non temere et casu, sed naturae legibus convenienter fieri videat, nihil profecto reperias, quod vel ad ingenuam animi oblectationem jucundius vel ad antiquitatis rationem accurate perspicendam fructuosius esse possit, quam si ad earum artium doctrinarumque historiam penitus cognoscendam te dederis, quae non fortuita quadam velut atomorum concursione conflatae vel umbratico acumine inventae, sed e suis progenitae radicibus quasi per gradus quosdam e necessaria et immutabili lege naturae ab ingeniosissimis hominibus ad illud fastigium adductae sunt, ut posteris omnem prope consequendi sui spem ademisse videantur. Itaque et ipse saepenumero dolui et alios doluisse existimo, eruditissimos quosque Graeciae interpretes in hac potissimum antiquitatis parte ornanda industriam collocare suam noluisse; quod si fecissent, non harum tantum literarum rationem nexumque paullo melius teneremus, sed de aliis quoque doctae antiquitatis partibus aliquanto rectius judicare nobis liceret. Nunc vero, ut de ceteris non minus gravibus taceam, ne scenicae quidem Graecorum poesios unam alteramve partem ita a quoquam explicatam tenemus, ut quantum effecerint in ea Graeci plane perspectum habeamus. Nam si eos, quorum integra supersunt opera, exceperis, ceterorum in hoc genere

poetarum historiam quis unquam dignam habuit, in qua ita elaboraret, ut operae pretium fecisse existimandus sit? Quod qui facere volet, tam copiosam inquirendi disserendique materiam habebit, vix ut unius hominis, quamvis industrii et laboriosi, vires tanto tamque late patenti operi suffecturae esse videantur. Itaque in tanta rei amplitudine vehementer optandum est, ut alius alium locum sibi tractandum eligat: quod si ita, ut ipse ejus rei speciem animo meo informavi, factum fuerit, deperditam Graecorum scenam quasi vitae redditam novaque luce collustratam habebimus. Sed ne ipse tam laudabilis instituti otiosus spectator sedeam, aliorumque potius quam meam qualemcunque operam in jucundo illo quidem, sed eodem propter multarum rerum difficultates impedito labore versari velle videar, quamquam haberemus profecto, quare literis nostris gratularemur, si eruditiores viri et ab ingenii copiis instructiores hanc operam imponi sibi paterentur, tamen, invitante occasione, ipse etiam eorum, quae eam in rem collecta habeo, particulam aliquam speciminis loco delibare doctorumque hominum judiciis modeste subjicere apud animum constitui. Et cum comicae maxime poesis cognitionem mancam et imperfectam esse intellexissem, haud ingratum me harum literarum cultoribus facturum esse existimavi, si Comicarum graecorum historiam paullo accuratius explicandam mihi sumerem. Qua in re, ne disputandi materia in immensum cresceret, hanc mihi legem dixi, ut non omnium poetarum in hoc genere clarorum historiam explicarem, sed exclusis, qui Siculam Italicamque comoediam illustrare, poetis, disputationem meam in una propemodum Atticorum scena cohiberem. In quo ita versatus sum, ut singulorum poetarum aetate certioribus, si fieri potuit, finibus circumscripta, quae fuerit cujusque indoles e veterum scriptorum judiciis sive potius indiciis probabiliter declarare, deperditarumque fabularum argumenta, ubi quidem id tuto fieri posse videretur, indagare studuerim, copiosiore totius rei explanationem, si per novi muneris labores licuerit, alio tempore propositurus.

Antiquissimi igitur, qui Cratini aetatem superant, poetae comici apud Atticos commemorantur Susario, Euetes, Euxenides, Myllus, Chionides, Magnes, Ecphantides, Tolynus. In his quem primo loco posui SUSARIO Megarensis, Philini filius, patriam habuit Tripodiscum, Megaricae ditionis vicum, unde ille in Atticam profectus apud Icarios, Dionysiacorum sacrorum cultu nobilitatos — Athen. II. p. 40. b. et Schol. Iliad. χ, 29. — primus omnium versibus comoedias docuisse creditur. V. Schol. Dionysii Thrac. p. 748. Bentl. Phalar. ed. Lips. p. 262. Quae si vera sunt, ut sunt sane meo iudicio verissima, non dubitari posse videtur, quin prima atticae comoediae paullo artificiosius excultae initia a Megarensibus sint repetenda. Idque ipsos etiam Megarenses sibi persuasisse, praeter Aspasium ad Aristotelis Eth. Nicom. IV, 2. docet nobilissimus locus Aristotelis Art. poet. III, 5. Utebantur autem Megarenses, Aristotele teste, duobus potissimum argumentis, quibus sibi comoediae originem vindicarent, quorum alterum ex ipso κωμῳδίας nomine petitum utpote levius praetermitto; v. Muelleri Dor. II. p. 351. et Anonym. de Comoedia Aristophani praemissus p. XXVII. Lips. Gravius alterum, e populari illud, quod apud Megarenses floruit, imperio ductum: ἀντιποιούνται, inquit, τῆς μὲν κωμῳδίας οἱ Μεγαρεῖς, οἱ τε ἐνταῦθα, ὡς ἐπὶ τῆς παρ' αὐτοῖς δημοκρατίας γενομένης, καὶ οἱ ἐκ Σικελίας. ἐκεῖθεν γὰρ ἦν Ἐπίχαρμος. Mitto postrema: ad seriora enim spectant tempora. At Nisaeorum Megarensium democratiam quam tandem intellexisse putabimus Aristotelem? Tacent interpretes, nisi quod Hermannus democratiam Megarensium sublatam esse adnotat Olymp. LXXXIX, 1. Sed ad hanc quidem illos, comoediae a se inventae anti-quitatem declaratu-ros, provocare non potuisse, nemo non intelligit. Itaque noli dubitare, quin eam Megarenses democratiam intelligi voluerint, quae brevi post expulsum Theagenem instituta fuit, quaeque, demagogis plebem dulci libertatis potu inebriantibus, in effrenem plane licentiam degeneravit. Plut. Quaest. graec. p. 295. D. Μεγαρεῖς Θεαγένη τὸν τύραννον ἐβαλόντες ἐλίγον χρόνον ἐσωφρόνησαν κατὰ τὴν πολιτείαν. εἶτα πολλὴν — καὶ ἄκρατον αὐτοῖς ἐλευθερίαν τῶν δημαγωγῶν οἰνοχρούντων διαφθαρέντες παντάπασιν τὰ τε ἄλλα τοῖς πλουσίοις ἀσελγῶς προσεφέροντο καὶ παριόντες εἰς τὰς οἰκίας αὐτῶν οἱ πέ.

νητες ἤξουσιν ἐστιασθαι καὶ δειπνεῖν πολυτελεῶς κ. τ. λ. Quibus adde quae his similia narrat ibid. p. 504. E. Sed Theagenes quo tempore expulsus sit a civibus, nusquam notatum reperio; neque multum tamen a vero aberraverit, qui id Olymp. XLIII. vel XLIV. factum esse statuat. Nam Olympiade XLII. ineunte adhuc firmam et incolumem fuisse Theagenis dominationem ex eo intelligitur, quod illo tempore Cylonem, generum suum, in occupanda Athenarum arce praesenti auxilio sustentavit, Thucyd. II, 126. Corsini Fast. Att. III. p. 64. et Heinrich Epimen. p. 17. 80. In Megarico autem bello de Salamine insula cum Atheniensibus exorto, quod in Olymp. XLV. incidere videtur, nullam Theagenis mentionem ab antiquis scriptoribus fieri videas; neque profecto Megarenses, nisi tum temporis jam expulissent tyrannum e patria, Lacedaemonios advocassent, qui motam de insula litem arbitrio suo dirimerent, Plutarch. Sol. 10. Quae si recte disputata sunt, procacem illam, quam Plutarchus describit, popularis dominationis libertatem circiter inde ab Olymp. XLV. vel XLVI. initium duxisse intelligitur. Eodem igitur tempore etiam comoedia, popularis imperii socia et alumna, apud Megarenses effloruit, neque multo post, inter Olymp. L. et LIV., v. Marm. Arund. Epoch. 54., Susarione auctore in Atticam immigravit. Sed antiquissimae hujus apud Megarenses et Icarios comoediae quae indoles et ratio fuerit, in ancipiti positum est. Quamquam Megarenses quidem, quos ipsam naturam ad conviciorum petulantiam sinxisse Pittaci dictum in Anthol. Palat. II. p. 445. significat Μεγαρεῖς δὲ Φεῦγε πάντας, εἰσι γὰρ πικροί, Megarenses igitur comicorum lusum facetiis maxime optimates carpsisse, vel ex eo intelligas, quod ipsi comoediam florente apud se populi imperio natam esse asseverabant. Sed ut ipse ille popularis Megarensium imperii status, Plutarcho teste, in petulantissimam licentiam degeneraverat, ita etiam comoedia, qua usi sunt, videtur ad procacissimas cavillationes descendisse et insulsissima quaeque sive praemeditato sive extemporali sermone effluisse. Eandemque illi rationem etiam postea, Atticorum comoedia jam ad egregiam elegantiae et festivitatis laudem exulta, ita tenuerunt, ut Μεγαρικὸν γέλωτα, quo tum contumeliosam irrisiōem tum ineptum et insipidum jocandi genus de-

signabant, Attici poetae proverbii loco usurpārent, Hesychius v. γέλως et Muelleri Dor. II. p. 349. *), atque omnino Megaricam comoediam quocunque modo possent in contemtum adducerent. Suidas s. v. γέλως T. I. p. 471. ἤκασε γὰρ ἡ Μεγαρικὴ κωμῳδία ἀώρως, ἣν Ἀθηναῖσι καταμακάμενοι ἐγέλων, velut Aristoph. Vesp. 57.

μηδὲν παρ' ἡμῶν προσδοκᾶν λίαν μέγα

μηδ' αὖ γέλωτα Μεγαροῦθεν κεκλημένον.

In simili fabulae parte Ecphantides apud Aspasium ad Aristot. Eth. Nicom. IV, c. haec verba posuerat: Μεγαρικῆς κωμῳδίας ἄσμα δίδειμ'. ἡσχυνόμην τὸ δεῖξμα Μεγαρικὸν ποιεῖν. Ex quo loco plura, quam debebat, collegit Muellerus Dor. II. p. 550. Neque recte interpretatus est vir eximius:

Wohl stammt mein Lied aus Megara, die Komoedie; •

Doch was geschieht, ist keineswegs Megarisch plump.

Sensus haud dubie hic est: nolo spectatoribus molestus esse Megaricae comoediae carmine recitando; pudet enim fabulam meam insipidis, quales Megarensium poetarum sunt, jocis adspargere. Neque enim dubitari potest, quin recte olim ad Menandr. p. 582. ἄσμ' οὐ δίδειμι scribendum conjecerim pro edito ἄσμα δίδειμι, quam rationem optime Feliciani versio ex integriori Aspasii codice ducta apud Gaisford. ad Heph. p. 96. confirmat: praetereo carmen Megaricae comoediae. Versus ipsi ita digerendi:

*) Similiter μαχαρά Μεγαρικὰ de insula machinatione dicitur apud Aristoph. Acharn. 708. Ceterum ut risus Megaricus ita etiam lacrymae Megaricae in proverbium abierunt. Hesychius s. v. Μεγαρίων δάκρυα. πλεῖστα ἐν τῇ Μεγαρίᾳ (leg. Μεγαρίδι) σκέρδεα — καὶ παροιμία ἐπὶ τῶν προσποιητῶς δακρυόεντων. Cfr. Bekk. Anecd. I. p. 281. De tragica Megarensium poesi, ad quam tum paroemiam illam tum verbum μεγαρίζειν lamentari spectare putabat Muellerus Dor. II. p. 367. nihil plane innotuit, nisi quod Suidas Alcim en em Megarensē, tragicum poetam, commemorat s. v. Ἀλκιμένης, quem tamen non Megaris sed Athenis fabulas suas docuisse probabile est. Quemadmodum Phoenicidem comicum, fortasse etiam Tolynum aliosque, licet genere Megarenses, fabulas tamen suas in Attico theatro docuisse scimus. Cf. Schol. Aristoph. Vesp. 57. ὡς ποιητῶν ὄντων ἀπὸ Μεγαρίδος ἀρούσαν καὶ ἀφ' αὐτῆς σκαπτομένους. Ubi corrigendum ἀφ' αὐτῆς σκαπτομένοις inficete irradientium, non irrisorum.

κωμῳδίας ἅπμ' οὐ δειμ'. ῥισχυνόμεν

τὸ δρᾶμα Μεγαρικὸν ποιεῖν. —

Denique ad eandem illam Megaricae comoediae petulantiam etiam τὰ Μαίσιωνικὰ σκῆμματα pertinere existimo, quae a Maesone, Megarico histrione, qui ludicram dicacis coqui personam invenerat, nomen traxisse suum Aristophanes docet Byzantius apud Athen. XIV. p. 659. a. *)

Eandem ridendi conviciandique scurrilitatem Susarionis quoque comoediam retulisse credibile est **); quamquam hujus lusus scenici ab Megarensium ratione eo differebant, quod versibus adstricta erant, quae illi nudo sermone effundebant, dicteria. Schol. Dionysii Thrac. p. 748. τῆς ἐμμέτρου κωμῳδίας ἀλεχηγὺς ἐγένετο, ex quo nequaquam consequitur, ut etiam literis perscriptas fuisse ejus comoedias credamus, quod recte negasse puto Bentl. Phalar. p. 258. lqq. Praemeditatos igitur fuisse Susarionis lusus, neque vero ex tempore fusos, non dubitamus: cui non repugnat Aristoteles, qui quum ab initio comoediam αὐτοσχεδιαστικὴν fuisse affirmat, vetustissimam ejus formam, qualis jam ante Susarionem apud Atticos aliasque Graeciae gentes fuit, respexisse videtur. Praemeditatae autem si fuere Susarionis comoediae et versibus utcunque inclusae, easdem etiam

*) Non dissimulandum tamen, Polemonem ap. Athen. p. 659. c. contra Timaei sententiam Maesonem illum Siculis Megarensibus vindicasse, quos propter Epicharmum et ipsos sibi invenitae comoediae honorem arrogasse, ex Aristotelis l. l. intelligitur. Quodsi recte Polemo de Maesonis patria statuit, histrionem illum jam ante Olymp. LXXIV, 2. vixisse necesse est. Eo enim anno Megarenses a Gelone expulsos et Syracusas tractos esse constat e Thucyd. VI, 4. cll. Herod. VII, 156. Ceterum quod Timaeo accidisse videtur, ut Sicula et Nisaea Megara inter se confunderet, idem etiam accidisse videtur Ovidio Heroid. XV, 54. de Siculis agenti: Nisiades matres Nisiadesque nurus. Magis etiam mirum videri potest, quod Crates apud Diogen. Laert. II. p. 166. de Stilpone philosopho posuit: ἰν' Μυράγῳις, ἔδει παρὶ Τυφωνίου ἔμμεναι ἰν' αὐτοῖς. Nisi is Megaricorum philosophorum vanitatem et τῦπον significare voluit.

**) Anonymus de Com. p. XXXII. de Susarione: μέγας ἢ γίγας τὸ κατασκευάζομενον. Diomedes Gramm. III. p. 486. Putsch. poetae primi comici fuerunt Susario, Myllus et Magnes; hi veteris disciplinae joculatoria quaedam minus scite et venuste pronunciabant.

quibusdam argumentorum finibus circumscriptas fuisse probabile est, cf. Muelléri Dor. II. p. 351., ita tamen ut ipsa illa argumenta neque artificiosius excogitata neque ad certum actionis finem directa fuisse videantur. Qua in re non uno sed pluribus actoribus usum esse Susarionem, indicat Anonymus de Com. p. XXXII. *οἱ περὶ Σουσαρίωνα* *) *τὰ πρόσωπα εἰσῆγον ἀτάκτως*, quibus deinde Cratinum opponit, qui primus omnium *τὰ ἐν τῇ κωμῳδίᾳ πρόσωπα μέχρι τριῶν κατέστησε*. Quae si vera sunt, profecto in plaustris illas comoedias actitatas esse parum credibile est, quae Bentleji fuit opinio, Arundeliani lacunam marmoris Epoch. 34. ita e conjectura suppletis: *ἀφ' οὗ ἐν αὐτῇ κωμῳδίᾳ ἐφρέθησαν ὑπὸ τῶν Ἰκαρίων, εὐρέντος Σουσαρίωνος*. Cujus rationi etiam hoc obstat, quod plaustra illa, nisi ubi de tragoediae origine agitur, a nemine unquam commemorantur. Quamvis igitur Susarionis conatus scenicos non adeo imperfectos fuisse putamus, ut vulgo creditur, vel sic tamen totam ejus rationem admodum rudem et incomptam fuisse neque populi assensum tulisse, vel illud documento esse potest, quod proximis octoginta post Susarionem annis adeo obmutuit comoedia, ut nihil quidquam de novae artis progressu et incrementis audiamus, immo ne nomen quidem poetae, qui in eodem genere elaboravit, a vetustis scriptoribus commemoretur. Nec tamen post prima illa conamina prorsus exulasse ex Attica nihilque interim incrementi cepisse videtur comoedia; sed cum minus placuisset haec tota conviciandi jocandique ratio spectantibus, fortasse etiam aliis rationibus ex civitatis statu repetendis accedentibus, factum est, ut minori poetarum vel histrionum studio coleretur et fere in obscuro delitesceret, fortasse ne in urbem quidem intromissa. Aristoteles de Arte poet. V, 3. *ἡ κωμῳδία διὰ τὸ μὴ σπουδάζεσθαι ἐξ ἀρχῆς ἔλαθεν*. Octoginta demum post Susarionem annis, inde ab Olymp. LXXIII. vel LXXIV. eodem igitur tempore, quo

*) Vulgo legitur *Σαννυρίωνας*, quae res Casaubono ad Athen. VII. p. 286. c. adeo imposnit, ut Sannyrionem, Philyllii et Stratidis aequalem, antiquae comoediae poetarum antiquissimum diceret. Susarionis nomen restituit jam Pearsonus Vindic. Pseudo-Ignat. II, 1. Idem error apud Alciph. Epist. III, 55. cl. Aelian. Var. Hist. XIII, 15.

Epicharmus in Sicilia comicam artem jam ad cultiorem formam expolierat, etiam apud Atticos comoedia aliquanto elegantiori, ut suspicari licet, ornatu, quam quo antea induta fuerat, iterum surrexit, cuius rei primariam causam ex aucta popularis imperii libertate repetendam esse sponte intelligitur. His igitur proximisque abhinc temporibus fabulas jam ipsis Athenis docuere EUTES, EUXENIDES et MYLLUS. Suidas s. v. *Ἐπίχαρμος* T. I. p. 842. ἦν δὲ (*Ἐπίχαρμος*) πρὸ τῶν Περσικῶν ἔτη ἑξ, διδάσκων ἐν Συρακούσαις. ἐν δὲ Ἀθήναις Εὐέτης Εὐξενίδης καὶ Μύλλος (leg. Μύλλος) ἐπεδείκνυντο, hoc est Olymp. LXXIII, 1. Ex his Euetem et Euxenidem praeter Suidam nemo commemorat; et Mylli memoriam praeter Hesychium s. v. Μύλλος ceterosque Paroemiographos a Fabricio laudatos, servavit Diomedes Grammaticus loco supra adscripto, et Eustathius ad Odys. p. 1835, 21. Rom. Μύλλος, ὅπερ ἐστὶ κύριον ὑπεκρίτεω τοῦ παλαιοῦ, ὅς μιλιτωῖς φασὶ προσωπεῖοις ἐχρήσατο, ubi quod histrio dicitur, quem ceteri comoediarum poetam dicunt, nemini fucum faciet. Quod autem μιλιτωῖς προσωπεῖοις usus esse perhibetur, documento est, inventas jam tum temporis fuisse personas scenicas, sed ita ut pristinae vultum minio illinendi consuetudinis vestigia superessent.

Myllum ceterosque, qui una cum eo commemorantur, poetas proximus quidem at satis longo tamen proximus intervallo excipit CHIONIDES Atheniensis, de quo ita Suidas: *Χιονίδης* *), Ἀθηναῖος, κωμικὸς τῆς ἀρχαίας κωμ. ὃν καὶ λέγουσι πρωταγωνιστὴν γενέσθαι τῆς ἀρχαίας κωμωδίας, διδάσκειν δὲ ἔτεσιν ὀκτώ πρὸ τῶν Περσικῶν. Eadem Endocia p. 436. Quorum si vera est de aetate Chionidis sententia, Chionides jam Olymp. LXXII, 4. vel LXXIII, 1. fabulas docuit atque Myllo ceterisque paullo antiquior ha-

*) Ita Kust. e cod. pro *Χιονίδης*, quod ubique reponendum putabant Vossius de Poetis gr. p. 25. et Casaub. ad Athen. I. p. 119. c. ubi quod Schweigh. scribit. Athenaei MS. A. [constanter offerre formam *Χιονίδης*, repugnat iis quae dixit Vol. VII. p. 487. ubi ex eodem libro enotavit *Χιονίδης*. Utrumque habet quo commendetur. Alterum *Χιονίδης* est a nomine *Χίων Χίωνος*, alterum a *Χίονι Χιόνιδος* (v. T. H. ad Polluc. T. II. p. 1193. et Thucyd. V, 19.) vel a *Χιόνι*, ut Ovidius Ep. Pont. III, 3, 42. Eumolpum, Chiones filium, Chionidem dixit.

bendus est. Cfr. Wolfii Prol. ad Hom. p. LXXIX. Quod quo minus recte fieri putem, prohibet gravissima Aristotelis auctoritas, qui cum ipse didascaliarum libros condiderit, ejusmodi in rebus falli vix potuit. Is igitur Chionidem et Magnetem Epicharmo aliquanto aetate minores fuisse testatur: *Ἐπιχάρμος πολλῷ πρότερος ὢν Χιονίδου καὶ Μάγνητος* Art. Poet. III, 5. Jam quum Epicharmus Olymp. LXXIII. vel LXXIV. floruerit, Muell. Dor. II. p. 353., Chionidis aetatem vix ante Olymp. LXXX. collocari posse crediderim. Quod verum esse etiam alio argumento intelligitur. Nam cum Chionides apud Athen. XIV. p. 638. a Gnesippum ludicrum poetam commemoret, is vero Cratini aequalis fuerit, Athen. I. I., Chionidem Cratini aetatem attingisse apertum est: quamquam non dissimulandum, teste Athenaeo I. I. et IV. p. 137. e. fuisse inter veteres criticos, qui ipsam illam fabulam *Πτωχοί*, in qua Gnesippus commemoratur, obelo notarent. Sed de hoc utcunque statuatur, illud dubium esse non potest, Aristotelem ita commemorare Chionidem, ut eum omnium, qui apud Atticos florere, comicorum aetate primum fuisse censuerit, non aliam puto ob causam, quam quod omnium antiquissimus fuit, cujus scriptae extitisse videntur comoediae, id quod etiam illos significare voluisse puto, qui eum *πρωταγωνιστὴν τῆς ἀρχαίας* nuncuparent. Fabulas ejus Suidas et Eudocia commemorant *Ἡρώς* (leg. *Ἡρώς*), *Πτωχοί*, *Πέρσαι* ἢ *Ἀσσύριοι*. Postremae nullum superest fragmentum; *Πτωχοί* praeter allata loca laudantur ab Athen. III. p. 119. e. et Grammat. Hermann. p. 325., *Ἡρώς* denique a Polluce X, 43. emendantibus Bentl. Epist. ad Hemst. p. 94. Lobeck. ad Phryn. p. 253. Porson. Adv. p. 251., ab Antiattic. p. 97. et Suida v. *ἄγνος*, cll. Pors. Adv. p. 33. Tacito fabulae titulo commemoratur Chionides a Vitruvio L. VI. praef. p. 146. et fortasse a Philem. Gramm. p. 30. Os. ubi vitiose legitur *Χιονίππου*.

Cum Chionide Aristoteles conjunxit **MAGNETEM**, ut eodem quo ille tempore vixisse videatur. Susarioni et Myllo qui aequalem facere videtur Diomedes Gramm. III. p. 486. longe a vero aberrat. Inter Epicharmum et Cratinum medius interponitur ab Anon. de Com. p. XXVIII. Neque repugnat Aristoteli Suidas v. *Μάγνης* T. II. 478. *ἐπιβάλλει δ' Ἐπιχάρμου*

νέος πρεσβύτη. Grandaevum obuisse intelligitur ex Aristoph. Equ. 517. sqq. quae fabula acta est Olymp. LXXXVIII, 4. Jam si ejusdem Olympiadis anno primo senex obiit, recte sane ejus adolescentiam in Epicharmi senectutem incidisse a Suida dici potuit. Non dubitamus igitur aetatem Magnetis ita definire, ut circa Olymp. LXXX. floruisse dicatur. Sed de reliquis antequam dicemus, de patria admonere licebit. Suidas: Μάγνης, Ίκαρίου πόλεως, Ἀττικὸς ἢ Ἀθηναῖος. Pro πόλεως debebat δήμου, qui Suidae est, non librarii error. Praeterea corrige Ίκαρίου πόλεως Ἀττικῆς ἢ Ἀθηναίων. Similiter idem de Thespide: Θέσπις, Ίκαρίου, πόλεως Ἀττικῆς. De forma Ίκαριος pro vulgari Ίκαρία frustra dubitant Reinesius et Casaubonus. Hesychius: Ίκαριος, δῆμος Ἀθήνησι, ubi Ἀθήνησι simili modo dictum est, ut Homerus Sunium promontorium ἄκρον Ἀθηνῶν dixit. Jam recte legi vides ap. Athen. II. p. 40. b. ἐν Ίκαρίῳ τῆς Ἀττικῆς. Cfr. Meursius de Populis Att. s. v. Ίκαρία. Fabulas docuisse Magnetem novem duasque reportasse victorias affirmant Suidas et Eudocia, quibus quo minus fidem habeamus prohibet Aristophanes, qui Equ. 518. de Magnete dicit: πλεῖστα χορῶν τῶν ἀντιπάλων νίκης ἔσθησε τρόπαια. Credendum igitur potius Anonymo p. XXIX. undecies eum vicisse referenti. Idem ex fabulis ejus nihil superesse tradidit; quae enim ferantur sub Magnetis nomine novem comoediae, eas esse commentitias. Cum Anonymo consentit Athenaeus, sive potius Eratosthenes, quem in ferendis de fabularum γνησιότητι judiciis ubique sequutum esse Athenaeum suspicor, Lib. XIV. p. 646. e. Μάγνης ἢ ὁ ποιήσας τὰς εἰς αὐτὸν ἀναφερόμενας κωμ. Cfr. idem IX. p. 367. f. Neque obstant Anonymo, ut Bentr. Epist. ad Mill. p. 479. putabat, quae Photius habet s. v. Λυδίαζων: Λυδοὶ Μάγνητος τοῦ Κωμικοῦ δισκευάσθησαν, quae eadem apud Suidam s. v. Λυδοὶ leguntur; similia apud Hesychium s. v. λυδίζων, χορεύων, διὰ τοὺς Λυδοὺς, οἱ σώζονται μὲν δισκευασμένοι δ' εἰσίν. Nimirum latissime patet notio τῆς διασκευῆς, ut passim δισκευασμένοι dicantur fabulae per omnes fere partes immutatae. Cfr. Heinrich de Diasceu. p. 21. Singulari modo Dio Chrysost. XXXII. p. 391. B. κωμῳδίας καὶ διασκευὰς conjungit. Magno cum studio spectatas esse fabulas Magnetis, ut de victoriarum, quas retulit, numero taceam, docet etiam Aristoph. l. I. 519.

nisi quod eae, quas senex factus docuerit, fastidiose ab Atheniensibus improbatas fuisse significat. Minus honorifice de eo Diomedes Gramm. III. p. 486. iudicavit, ut qui iis Magnetem poetis accenseat, qui jocularia quaedam minus scite et venuste pronunciarent. Contra Anonymus de Com. XXVIII. τῷ ἀξιολογωτάτῳ veteris comoediae accenset. Ab Alexandrinis tamen grammaticis in ordinem receptus non fuit, ut nec alius quisquam eorum, qui ante Cratinum fuerunt. Argumenta adamasse videtur ludicra et festivitatis plena, quod praeter Diomedem significat etiam Aristophanes l. l.

πάσας ὑμῖν Φωνὰς ἰεῖς καὶ ψάλλον καὶ πτερυγίζων
καὶ λυδίζων καὶ ψηνίζων καὶ βαπτόμενος βατραχεῖσις.

Indicari his verbis Magnetis fabulas, Βαεβίτιδες, "Ορνιθες, Λυδοί, Ψῆνες et Βάτραχοι, vetus interpres adnotavit, ex quo sua hausit Suidas s. v. Μάγνης. Ac Βαεβίτιδες quidem nomine ψάλλον significantur. Incertus tamen fabulae titulus. Scholiasta haec habet: ψάλλον τοὺς βαεβίτιδας τάσσουσιν οἱ λόγοι (?) τοὺς βαεβατιστὰς ἂν λέγοι. δεῖμα δὲ ἐστὶ τοῦ Μάγνητος. Bisetus: δεῖμα ἐποίησε βαεβίτιδας ἢ βαεβιστὰς κατὰ τινας. Suidas denique: τοὺς βαεβιστὰς ἂν λέγοι. Versio Porti Barbatistas. Bentlejus dubitat utrumne Βαεβιτιδες (sic) an βαεβατισται vocata fuerit fabula. Atqui βαεβιτῆς qua quis analogia tueri possit ignoro. Verus titulus fuit haud dubie Βαεβιτισται, qua in fabula non dubitamus quin cantatores quosdam, qui barbito, lyrae genere contemtitissimo, Aristot. Polit. VIII, 6. ab Anacreonte vel Terpendro invento, Athen. IV. p. 175. c. impense delectarentur. "Ορνιθες et Λυδοί significari verbis πτερυγίζων et λυδίζων idem monuit Scholiastes. De Lydis, qua in fabula Lydicarum saltationum fractam mollitiem risisse videtur, supra diximus. Eisdem commemorant Athenaeus XV. p. 690. c. et Pollux VII, 188. Ad Ψῆνας praeter Scholiasten: τὸ πτερυγίζειν (leg. ψηνίζων) δὲ εἶπεν ὡς πρὸς τοὺς Ψῆνας ἀναφέρων, respexit Hesychius s. v. ψηνίζων, τοὺς Ψῆνας λέγει τοῦ Μάγνητος. Denique Βάτραχοι significantur verbis βαπτόμενος βατραχεῖσις. Imitatum esse his fabulis Magnetem varias animalium voces ex Aristophanis loco collegisse videtur Eudocia p. 502. Reliquae fabulae, quarum mentionem injiciunt veteres, sunt Διόνυσος,

cujus duplex extabat recensio, quarum primam habes apud Athen. IX. p. 367. f. alteram ibid. XIV. p. 646. e. ubi qui versus afferuntur, eosdem Pollux VI, 79. Crateti tribuit. Recte Jungermannus *Μάγνητος* restitui voluit. *Πιτακίς* apud Suidam s. v. *νῦν δὴ*. *Μάγνης δὲ ἐν Πιτακίδι*.

Ἐπὶ μοι, νῦν δὴ μὲν ὤμνους μὴ γεγονέναι νῦν δὲ Φίς.

Sed incertam facit lectionem Photius s. v. *νῦν δὴ*, ubi ἐν *Πυκατίδῃ* legitur. *Ποάστρια* *) laudatur Schol. Plat. Ruhnk. p. 35. Denique *Γαλεωμομαχίαν* Magneti, fortasse ex integriore Suidae exemplari, tribuit Eudocia p. 302. quo nomine etiam Theodorum Prodromum fabulam scripsisse constat. Praeterea omisso fabulae indicio commemoratur Magnes ab uno Polluce II, 101.

Proximo post Magnetem loco ponimus *ECPHANTIDEM*, quem inter incertae aetatis poetas retulit Vossius de Poetis gr. p. 89. mediae poetas comoediae accenset Eichstaedt de Dramate Com. sat. p. 38. At recte Naekius Choer. pag. 52. Cratino et Teleclide paullo antiquiorem fuisse putat, quod confirmare poterat Aspasii verbis ad Aristot. Eth. Nicom. IV, 2. τῶν ἀρχαίων παλαιότατον ποιητὴν eum appellantis. Quae verba ne cum Muellero Dor. II. p. 350. ita intelligamus, ut Ecphantidem vel Chionide et Magnete antiquiorem fuisse statuamus, multa sunt quae prohibeant. Qui ante Magnetem et Chionidem fabulas docuere poetae comici, eos fuisse *ἔθελοντάς* h. e. suis ipsos sumtibus choros instruxisse et adornasse, haud obscure significat Aristot. Art. Poet. V, 3. Atqui Ecphantidem non fuisse *ἔθελοντήν*, expresso ejusdem Aristotelis testimonio constat Polit. VIII, 6. ubi picta tabula commemoratur, quam Thrasippus dedicavit *Ἐκφαντίδῃ χορηγίας*. Nec minus certum aetatis indicium hoc est, quod Androclēm quendam, quem Cratinus et Teleclides in fabulis suis vexaverunt, etiam ab Ecphantide male habitum fuisse ex Schol. Aristoph. Vesp. 1182. intelligitur, unde apertum est, Ecphantidem, quamquam Cratino et Teleclide paullo majorem, horum tamen aetatem attigisse. Itaque antiquorum

*) Eodem titulo fabulam docuit Phrynichus, quam Aristophani male tribuit Schol. Av. 1297. loco miris modis corrupto. *Πριελγίς*, quam eidem Aristophani tribuit, Platonis est fabula, ex qua quem locum attulit, eum respicit Schol. Luciani T. II. p. 696. quo certius de corruptela, quam Scholiastae verba subierunt, constare debet.

poetarum antiquissimum qui Ecphantidem dixit Aspasius, nisi forte justo negligentius loquutus est, ad eos maxime poetas respexisse videtur, a quibus emendatior et perfectior comoediae forma et ratio introducta est, hoc est ad Cratinum, Teleclidem, Hermippum, ceteros. Capniae cognomen, quod Ecphantidae inditum fuisse scribit Hesychius v. Καπνίας. Ἐκφαντίδης — Καπνίας ἐπεκαλεῖτο, διὰ τὸ μηδὲν λαμπρὸν γράφειν, fortasse Cratino, quocum perpetuas exercuisse videtur similitudines, acceptum tulit. Schol. ad Arist. Vesp. 151. καπνίας ἐν τοῖς περὶ Κρατῖνον (leg. Κρατίνου) διώρισταί ἢ τὸ ἀπόθετον ἢ καὶ παλαιόν, διὸ Ἐκφαντίδην Καπνίαν καλεῶσι. Rectius cognomimenti rationem expediit Naekius l. l. p. 52. „Videtur, inquit, cognominis „caussa fuisse vel fabularum Ecph. argumentum, quod ille tenue et ob- „scurum eligere consuevisset, vel obscurum et paullo molestius dicendi „et disponendi genus.“ Equidem illa Hesychii verba cum veterum scriptorum de Cratino et Platone iudiciis comparabam, quibus λαμπρὸν χαγκατῆρα, splendidum dicendi genus et troporum luminibus frequens attribuunt. Hanc igitur virtutem qui Ecphantidi deesse putabant, fumum pro luce eum dare dictitabant. E fabulis Ecphantidae unus superest titulus Σάτυροι apud Athenaeum l. p. 96. c. Non omittendum tamen, Naekium apud Steph. Byz. s. v. Πάρης, ubi laudatur Ἐμφανὴς ἐν Πυραύνῳ, non sine magna probabilitatis specie scribendum coniecisse Ἐκφαντίδης. Idem fabulam Διόνυσος inscriptam egregio acumine elicit e Suidae verbis Εὐίη. Διονύσω. ὕμνος ἐνθουσιαστικός, cum incerti auctoris (fort. Cratini) versu comparatis apud Hephaest. XV. p. 96. Εὐίη, κισσοχαῖτ' ἀναξ, χαῖρ', ἔφασκε Ἐκφαντίδης. Adjutorem Ecphantidae in comoediis scribendis fuisse Choerilum servum, docet Hesychius v. ἐκπεχοειλωμένη. οὐ (Casaub. τοῦ) Χοιρίλου οὔσα. Ἐκφαντίδῃ γὰρ τῷ Κωμικῷ Χοιρίλος θεράπων ἦν, ὃς συνεποιεῖτο κωμωδίας. Itaque etiam Choerilum illum quodammodo comicis poetis adnumerare licebit. Ac perquam scite Naekius quod de epico poeta Choerilo Eudocia tradidit, praeter alia eum scripsisse etiam comoedias, ad Ecphantidae servum retulit, cui quae cum domino interessit ratio optime Euripidis et Cephisophontis exemplo illustratur. Cfr. Gaisford ad Heph. p. 96. Sed ad Choerilum comicum, si diis placet, etiam alius

Hesychii locus spectat: Χοιρίλον Ἐκφαντίδος. Κρατίνος· τὸν Ἐκφαντίδος. εὕτως εἶπεν αὐτὸν τὸν Χοιρίλον. de quo suo more hoc est ingeniosissime disputavit Naekius.

Ecphantidi suppar aetate fuisse videtur ΤΟΛΠΝΟΣ Megarensis, quem unus omnium commemorat Etymol. M. p. 761, 47. Τολύμνον (leg. Τολύκειον) τὸ καλούμενον Κρατίνειον μέτρον πολυσύνθετον, ἀπὸ τοῦ Μεγαρέως Τολύμνου ἔστι δὲ προγενέστερος Κρατίνου. Auctor igitur fuit metri postea Cratinei dicti, de quo vide Hephaestionem et Hermannum Doctr. metr. p. 582. Quem ne justo audacius comicis poetis accensuerim, nequaquam verendum videtur: quamquam Athenisne an Megaris fabulas docuerit, ut incomper- tum in medio relinquimus.

Postquam eorum poetarum, qui quasi praecursores quidam verae comoediae censi debent, historiam enarravimus, sequitur ut alteram antiquae comoediae aetatem multis magnisque poetarum nominibus nobilitatam illustrenus. Ejus princeps et quasi antesignanus extitit CRATINUS, de cujus natalium vel obitus tempore etsi nullus veterum diserte tradidit, utrumque tamen ita ad liquidum perducere potest, ut res vix unius duorumve annorum discrimine agatur. Grandaevum obiisse Cratinum testatur praeter alios Lucianus Macrob. 25. T. III. p. 227. ed. Wettst. qui eum septem et nonaginta annos implevisse memoriae prodidit. Ut decrepitem senem et delirio propinquum cum risisset eum Aristophanes Equit. 528. quae fabula, Stratocle archonte, acta est Olymp. LXXXVIII, 4., irritatus jactorum in se dicteriorum contumelia Cratinus sequenti anno h. e. Olymp. LXXXIX, 1. archonte Isarcho Πυρίην fabulam miro omnium applausu docuit. Sed fuit hic extremus ingeniosissimi senis labor, testante Luciano, qui cum hanc fabulam eum πρὸς τῷ τέλει τοῦ βίου docuisse dicat, probabile est obiisse poetam nostrum Olymp. LXXXIX, 2. unde conficitur natales ejus incidere in Olymp. LXV, 1. fallique Schol. Arist. Av. 521., qui Cratinum in Nemese fabula longo post Aves editas tempore h. e. post Olymp. XCI. 1. Lamponis ut vivi vigentisque mentionem injecisse scribit; quod falsissimum esse vel ex eo intelligitur, quod Nemesis fabula post Periclis obitum doceri vix potuit. V. Plutarch. Peric. 3. No-

stram rationem ipse etiam confirmat Aristophanes Pac. 700. quam fabulam recte Petittum ad Olymp. LXXXIX, 3. retulisse existimo. In Pace igitur fabula l. l. sciscitanti Mercurio, ecquid rerum Cratinus agat, Trygaeus respondet: ἀπέθανεν, εἴθ' οἱ Λάκωνες ἐνέβαλον, — ὥρακιάσας· οὐ γὰρ ἐξηνέσχετο ἰδὼν πίθον καταγνύμενον οἴνου πλέων. Quo loco non injuria quaeri potest, quamnam dicat Aristophanes Lacedaemoniorum incursionem. Anonymo de Com. p. XXIX. primam illam, quae archonte Pythodoro Olymp. LXXXVII, 1. facta est, invasionem intelligenti: τελευτᾷ δὲ Λακεδαιμονίων εἰς τὴν Ἀττικὴν εἰσβαλόντων τὸ πρῶτον, ὧς Φησιν Ἀριστοφάνης: hujus igitur opinioni temporum rationes plane adversantur; neque reliquarum, quas Lacedaemonii in Atticam fecere, impressionum (Thucyd. II, 47. III, 26. IV, 2. VII, 19.) ulla est, quae cum Aristophane conciliari possit. Itaque nisi forte Brasidam in Nisaea recuperanda occupatum *) Olymp. LXXXIX, 1. exercitus partem misisse statuas, qui Atheniensium fines in transcurso infestarent, nihil relinqui video, nisi ut Aristophanem, quemadmodum caussam mortis Cratini facetissimo lusu commentus est, ita etiam illam Lacedaemoniorum in Atticam invasionem finxisse statuamus. Sed missis, quae in conjectura sunt posita, illud tanquam veri simillimum teneamus, natum esse Cratinum Olymp. LXV, 1. obiisse autem Olymp. LXXXIX, 2. Nam quo jure Schneiderus, Quaest. de Xenoph. Conv. p. 132., mortem ejus ad Olymp. XCI, 1. retulerit, nescire me fateor. Vidit igitur tum initia veteris comoediae, tum progressus summamque ejus perfectionem. Ipse ad scribendas fabulas proveciore jam aetate animum appulisse videtur, siquidem Anonymus de Com. p. XXIX. post octogesimam quintam demum Olymp. h. e. octogesimo aetatis anno primam eum victoriam adeptum esse testatur: καὶ μετὰ τὴν πέ' Ὀλυμπιάδα, quae repugnant quo-

*) V. Thucyd. IV, 20. sqq. et Diodor. Sic. XII, 67. ubi quae de Brasida leguntur verba: καταπληξάμενος τοὺς Ἀθηναίους, τοὺτους μὲν ἐξίβαλεν ἐκ τῆς Νισαίας, τῇ δὲ πόλει — ἀποκατίσθησι εἰς τὴν τῶν Λακεδαιμονίων συμμαχίαν, haec igitur neque cum Thucydide neque cum ipso adeo Diodoro conciliari possunt. Scribendum igitur τοὺτους μὲν οὐκ ἐξίβαλεν. Eadem vocula excidisse videtur XII. 81. καὶ [οὐ] πολλὰ τῆς χώρας δηύσαντες, cll. Thucyd. VI, 7. Gravior ejusdem generis corruptela latere videtur XII, 39. τῶν Σιών βασιλῶν. Legendum videtur τῶν [δωδεκα] Σιών βασιλῶν.

dammodo Eusebio Chron. p. 539. qui Olymp. LXXXI, 3. adscripsit: Cratinus et Plato comici hac aetate occurrebant, Syncell. p. 247. D. Κρατῖνος καὶ Πλάτων οἱ κωμικοὶ ἤμαζον. Qui ut de Platone manifesto errore lapsus est, ita fortasse ne de Cratino quidem vera praedicavit. Quamquam non intercedam, si quis apud Anonymum potius in numeralibus erratum arbitretur. Pro μετὰ legendum putabam κατὰ, πῆ autem fort. mutandum in πᾶ. Certe jam fabulas eum circa hanc Olympiadem docuisse, colligas ex fragmento apud Plutarch. Bellone an pac. Athen. praest. p. 351. a. Steph. ubi Periclis tarditatem in longis moenibus condendis increpat, quae Olymp. LXXXII, 1. absoluta esse Muellerus docuit in dissertatione de Topographia Athenarum. In reliquis fragmentis paucissima insunt indicia, quae eum jam ante Olymp. LXXXV. fabulas docuisse arguant. Non negligendus tamen memorabilis locus apud Plutarch. Pericl. p. 295.

Ὁ σχινοκέφαλος Ζεὺς ὅδ᾽ ἐπὶ προσέχεται

ὁ Περικλῆς, τῷδεῖον ἐπὶ τοῦ κρανίου

ἔχων, ἐπειδὴ τοῦστρακον παροίχεται.

Quae vix alio tempore scribi potuerunt, quam quo Pericles ostracismi periculum effugerat, h. e. Olymp. LXXXIII, 4. ut Θράττας fabulam, ex qua versus illi petiti sunt, aut eodem aut sequenti anno actam esse colligas. Ad primum verum respexit Pollux II, 43.

De domesticis Cratini rebus nihil compertum habemus, nisi quod patrem habuit Callimedem, Suidas s. v. Κρατῖνος, et filiam Irenam, pingendi arte claram, Clemens Alex. Strom. IV. p. 523. B. Taxiarchum et tribulem fuisse τῆς Οἰνήδος Φυλῆς docet Suidas s. v. Ἐπειοῦ δειλότερος. οὕτως ἐλέγετο Κρατῖνος ὁ κωμικός, ἴσως διὰ τὸ ταξιαρχῆσαι τῆς Οἰνήδος Φυλῆς δειλότερός τε φανῆναι. Quae iisdem verbis leguntur apud Paroemiographos, quorum testimonia apposuit Alberti ad Hesych. T. I. p. 1322. Convicii auctor fortasse Aristophanes fuit. Flagitiosis amoribus deditum fuisse unus Suidas s. v. Κρατῖνος tradidit, ubi φιλοπότης καὶ παιδικῶν ἡττημένος dicitur, quae verba Eudoc. p. 271. omisit. Rem ipsam etsi nemo praefracte negaverit, fieri tamen potest, ut Suidam ratio fefellerit; certe Aristophanem, quocum perpetuam exercuit inimicitiam, vix illud silentio praetermissu-

rum fuisse arbitror. Multum adeo vereor, ne Suidas Aristophanis loco in Acharn. 350. cll. 1172. deceptus sit, ubi alius quidam Cratinus, molliculus homo et delicatus, quem lyricum poetam fuisse Scholiastes testatur, a comico sugillatur. Veneris impotentiam in nostro Cratino notavit etiam Acron qui dicitur ad Horatii Epist. 1, 19, 1.: tantae libidinis fuit, ut cubiculum suum speculis adornaret etc. Scilicet legerat aliquid simile de speculato cubiculo Horatii apud Pseudo-Sueton. Vita Horat. 756., idque obscurus iste magistellus pro stupore suo ad Cratinum transtulit. Cf. Lessingii Vindic. Horat. p. 204. Verius alterum illud, quod Suidas addidit, vinosum fuisse Cratinum, quae res multiplicem Aristophani ridendi jocandique materiem praebuit. V. Pac. 703. Equ. 400. 551. Eandem in rem perelegans est incerti auctoris epigramma apud Athen. II. p. 59. c. inter Nicaeneti carmina receptum a Brunckio Anal. I. p. 417. quod Cratini monumento inscriptum fuisse fabulatur Acron ille ad Horat. I. c. ubi quae addita leguntur: Cratinus tantae vinolentiae fuit, ut solitus fuerit supra pelles recumbere, in quas comedere consueverunt, fortasse ex Aristoph. Equit. 400. emendari poterunt, ubi tanquam ἐνουρητής ridetur Cratinus: εἴ σε μὴ μισῶ, γενόμην ἐν Κρατίνου κώδιον. Neque vero ipse, quo laborabat, vitium dissimulabat, sed ipsam illam bibacitatem suam in Pytine lepidissime perstrinxit; quam ille fabulam tanto omnium plausu docuit, ut iudicum sententiis et Aristophanis Nubibus et Conno Amipsiae, quae fabulae simul cum Pytine in certamen commissae fuerant, praemium praeiperet. Hoc tum in argumento tradidit vetus grammaticus p. 7. Herm. tum ipse in parabasi Nubium significat Aristophanes: quo magis mirum est Scholiastam ad Nub. 521. scripsisse οὐ Κρατίνου ἀλλ' Ἀμενψίου δεύτερος ὥφθη. Argumentum fabulae, certe partem argumenti servavit Schol. Arist. Equ. 599. Scilicet Comoediam ingeniosus poeta uxorem suam esse finxerat, sed divortium cum marito facturam et κακώσεως litem ei intenturam. Quo cognito, qui forte aderant Cratini familiares obsecrant mulierem, ut ne quid temere faciat, et quae sit tantae inimicitiae causa quaerunt. Tum illa gravissime queritur de Cratino quod se contemptui habeat totumque sese Temulentiae tradi-

derit: ὅτι μὴ κωμῳδοῖν μηκέτι, σχολάζει δὲ τῇ Μέθῃ. Sic enim scribendum pro ὅτι μὴ κωμῳδοῖ, ἢ μηκέτι σχολάζει τ. M. Cf. Suidam s. v. κωδίων. Ex oratione Comoediae, qua criminum in maritum conectorum argumenta dicebat, et quam plane ad judicialium orationum formam effectam fuisse ex loco apud Clementem Alexandr. Strom. VI. p. 265. Sylb. intelligitur, versus aliquot sed admodum mendose scriptos servavit Scholiastes l. l. Priora ita scribenda sunt:

ἀλλ' ἐπανατρέψαι βουλόμεσθ' εἰς τὸν λόγον
 πρότερον. ἐκεῖνος πρὸς ἑτέραν γυναῖκα ἔχων
 τὸν νοῦν κ. τ. λ.

Indidem petitus est versus apud Schol. Homeri Odys. θ, 136. γυνὴ δ' ἐκείνου πρότερον ἦ, νῦν δ' οὐκέτι. Audita Comoediae oratione, amicos consilia de optima medendi Cratini ratione iniisse colligas e fragmento apud Athen. XI. p. 494. c. Quibus omnibus ita respondisse videtur Cratinus, ut nihil egregii proferre poetam posse diceret, nisi qui vino incaluisset: ὕδωρ δὲ πίνων χρηστὸν οὐδὲν ἂν τέκεις, ut est in Nicaeneti epigrammate, quem Cratini verum esse ex hac ipsa fabula desumptum verissime monuit Meierus in libro de causarum act. apud Athen. Lib. III. p. 289. Reliqua fabulae fragmenta persequi non hujus loci est.

Fabulas docuisse perhibetur unam et viginti, testibus Suida s. v. Κρατίνος, Eudocia p. 271. et Anonymo de Com. p. XXIX. Wielandii error ad Aristoph. Equit. 540. nonaginta eum fabularum auctorem fuisse affirmantis unde fluxerit nescio. Victoriā in poetarum certaminibus, Suida et Eudocia testantibus, novies reportavit, idque παμψηφεί, ut ait Schol. Arist. Equ. 725. Histrione, cui primas fabularum partes deferret, usus est Cratete, Schol. Equit. 534. Commentatores, ut hoc addam, nactus est plures, in his Callistratum, cujus in Θράκτας fabulam commentarium laudat Athen. XII. p. 494. b. Scholia in Cratinum commemorant vetus interpretes ad Aristoph. Vesp. 751. et Pollux X, 64. Lycrophronem quo auctore Fabricius Bibl. Gr. II. p. 434. huc retulerit ignoramus. Galenum duobus libris τὰ παρὰ Κρατίνῳ πολιτικά ὀνόματα explicuisse, ipse testis est in scriptorum suorum recensu T. IV. p. 4. Ald. Denique etiam

Aristarchum nonnihil operae Cratino impertivisse intelligitur e Platonio de Com. p. XXVII. Lips. Κρατῖνος, ἅτε δὴ κατὰ τὰς Ἀρχιλόχου ζητήσεις, αὐστηρὸς μὲν ταῖς λειδορῆις κ. τ. λ. ubi Casaubonus ad Pers. p. 156. miro errore lapsus est corrigens κατὰ τὰ Ἀρχιλόχου ἔτη ζήσας. Scribe potius Ἀριστάρχου pro Ἀρχιλόχου, quae nomina frequentissimo errore inter se confundi docuit Ruhnck. Praefat. ad Hesych. p. VII. *)

Cratinum in arte sua nonnihil innovasse, vel sine veterum scriptorum indiciis probabile esset; nunc disertum accedit testimonium Anonymi de Com. p. XXXII. Lips. qui postquam rudem et incultam antiquiorum comicorum rationem attigisset, ita pergit: ἐπιγεγόμενος δὲ ὁ Κρατῖνος κατέσθησε μὲν πρῶτον τὰ ἐν τῇ κωμῳδίᾳ πρόσωπα μέχρι τριῶν, συστήσας τὴν ἀταξίαν, καὶ τῷ χαρίεντι τῆς κωμῳδίας τὸ ὠφέλιμον προστέθηκε τοὺς κακῶς πράττοντας διαβάλλων καὶ ὥσπερ δημοσίᾳ μάστιγι τῇ κωμῳδίᾳ κολάζων. In quibus duo sunt quae praedicantur de Cratino. Actorum enim numerum apud priores promiscuum (τὰ πρόσωπα ἀτάκτως εἰσῆγον) ita constituit, ut tres tantum simul in scena personae colloquerentur. Quamquam hoc quidem an non vere de Cratino praedicaverit Grammaticus, certe dubitari potest, siquidem Aristot. de Art. Poet. V, 4. ignorari dicit τίς τὰ πρόσωπα ἀπέδωκεν ἢ πολλοῖς ἢ πλείοι ὑποκριτῶν καὶ ὅσα τοιαῦτα. Argumenti autem rationem ita immutavit, ut quum antiquiores comici fabulis suis risum maxime jocumque captassent, ipse improborum hominum mores acerrime insectaretur; in quo ita versatus est, ut convicia, quibus refertae erant ejus fabulae, nullo humanitatis condimento mitigaret, sed aperto, quod ajunt, capite cum vitiis manum consereret, fabulisque suis quadam quasi scutica armatus abjectorum hominum, quorum largissimus fuit apud Athenienses proventus, impuritatem et flagitia castigaret. Platon. de Com. p. XXVII. οὐ γὰρ ὥσπερ ὁ Ἀριστοφάνης ἐπιτρέχειν τὴν χάριν τοῖς σκώμμασι

*) Theognostus apud Bekk. Anecd. Gr. III. p. 1382. ἰγνῖα, ὄρῖα. Ἀρίσταρχος συστήλλει τὸ α καὶ ἐκτείνει τὸ υ καὶ προπαροξύζει, ἱταλλαγὴν τόπου καὶ χρόνου πικρικῆς. Corrigendum videtur Ἀρχιλόχος. In Schol. Venet. ad Iliad. ζ, 507. κρασίον οὐκ ἔστι πιθυμῶν, ὡς Ἀρχιλόχος ἐξήλασεν, ἀλλ' ἐπικροτῶν τοῖς ποσὶ, explicari quidem quodammodo potest edita lectio, ut in simili causa fecit Hemsterhus. ad Arist. Plut. p. 7., malim tamen hoc quoque loco Ἀρίσταρχος, etiam propter ἐλαβίῃ, quod Grammaticorum proprium esse constat.

ποιεῖ — ἀλλ' ἀπλῶς καὶ κατὰ τὴν παρσιμίαν γυμνῇ κεφαλῇ τίθησι τὰς βλασφημίας κατὰ τῶν ἀμαρτανόντων. Quae res movit fortasse Persium, ut audacem Cratinum appellaret Sat. I, 123. In tanta conviciandi libidine, non mirum est fervidi virum ingenii nonnunquam paullo iniquius etiam summos homines patriaeque amantissimos vexasse, veluti Periclem, quem internecino fere odio exagitavit; quamquam idem Cimonem praeclaro ornavit praeconio, Plutarch. Cim. 10. Poeticas viri virtutes etsi difficile fuerit, cum nullam ejus fabulam superstitem habeamus, certo judicio definire, habemus tamen luculenta veterum scriptorum testimonia, ex quibus non tantum summam Cratini auctoritatem et aestimationem fuisse intelligimus (Quintil. X, 1. Athen. VI. p. 268. e.), sed etiam ratio ejus laudis perspicitur. Ac vere poeticam viri fuisse indolem Aeschylou in dispari genere simillimam, diserte tradit Anon. de Com. p. XXIX. Beatam ingenii venam, qua erat sui confidentia, ipse praedicat in nobilissimo fragmento apud Schol. Arist. Equ. 523. et Suidam s. v. ἀφέλεια servato:

Ἄναξ Ἀπολλων, τῶν ἐπῶν τῶν ξευμάτων
 καναχούσι πηγαί δωδεκάκρουον τὸ στόμα,
 Ἰλισσὸς ἐν φάεργγῃ τί ἂν εἴποιμί σοι;
 εἰ μὴ γὰρ ἐπιβύσει τις αὐτοῦ τὸ στόμα,
 ἅπαντα ταῦτα κατακλύσει ποιήμασιν.

Ita enim correxit secundum versum Reisigius in Conjectaneis. Rapido torrenti omnia secum auferenti praeclara imagine eum comparat Aristoph. Equ. 523. sqq. dignumque dicit propter reportatas olim victorias qui in Prytaneo bibat et unguentis delibutus Dionysiorum spectaculis intersit. Dictio ejus troporum luminibus frequens (Platonius l. l. πολλὴς τῆς τροπῆς τυγχάνει, ubi malim πολλῆς) et lyrico quodam colore tincta, maxime in melicis fabularum partibus, quae dihyrambicam audaciam spirabant, Hesychius s. v. πυρπερέγγχει, summoque omnium studio expetebantur, Aristoph. Equ. 526.

ἄσαι δ' οὐκ ἦν ἐν συμποσίοις πλὴν Δωροῦ συκοπέδιλε,
 καὶ τέκτονες εὐπαλάμων ὕμνων*), οὕτως ἦνθησεν ἐκεῖνος.

*) Locum ex Eumenidibus Cratini petatum esse notavit Scholiastes. Frustra Fabricius

Hinc idem eum ταυροφάγον dixit Ran. 357. ubi procul abesse jubet mystarum chorus, quicunque Musarum orgiis non initiatus sit, μηδὲ Κρατίνου τοῦ ταυροφάγου γλώττης βακχεῖ ἐτελέσθη, ad quae verba respexit Etym. M. p. 747, 50. Ταυροφάγον τὸν Διόνυσον — ὅτι τοῖς τὸν διθύραμβον νικῶσιν βῶς ἐδίδοτο, ἢ τὸν ὠμητήν, ἀφ' οὗ καὶ ἐπὶ Κρατίνου μετήνεται τὸ ὄνομα. Vix recte igitur Schol. Equ. 524. dictionem Cratino tribuit simplicem et inornatam, deceptus haud dubie falsa interpretatione verborum διὰ τῶν ἀφελῶν πεδίων. Cui repugnat etiam is, quem Suidas s. v. Κρατίνος compilavit, ubi λαμπρὸς τὸν χαρακτήρα dicitur, quod non minus ad elocutionis rationem quam ad inventionis virtutem spectat. In metrorum ratione non minus grandem et magnificum fuisse Cratinum vero est simillimum, quamquam paucissima, quae ejus rei indicia praebeant, choricorum carminum fragmenta servata sunt. Cratineum, quod grammaticis dicere placuit, metrum paullo antiquioris esse originis, jam supra monuimus. In invenientis disponendisque fabularum argumentis qualis fuerit, docet Platonius l. 1. p. XXVII. εὐστοχος ὢν ἐν ταῖς ἐπιβολαῖς τῶν δραμάτων καὶ διασκευαῖς, εἴτα προῶν καὶ διασπῶν τὰς ὑποθέσεις οὐκ ἀκολουθῶς πληροῖ τὰ δράματα. Quibus verbis significat auctor, Cratinum in invenientis quidem argumentis felicissime esse versatum, sed eundem in progressu fabulae impetu ablatum actionis rationem turbasse, et quam orsus erat ab initio argumenti telam, non ita pertexuisse, ut summa esset singularum partium ad certum fabulae finem conspiratio.

In tanta ingenii artisque praestantia non mirum est, plurimos Cratino obtigisse non modo admiratores sed etiam imitatores. Ut Lucilium omit- tam, quem ad Cratini ceterorumque antiquae comoediae poetarum imitationem se composuisse Horatius testatur Satir. I, 4. in., inter graecos co-

Εὐνιδῶν malit pro Εὐμενιδῶν, quae fabula laudatur etiam ab Jo. Alexandr. de acc. p. 29. Quamquam in Eunidis ejusmodi cantilenas complures fuisse ex titulo fabulae et Athenaei indicio Lib. XV. p. 698. c. non male conicias. De titulo quod dixi, laudare sufficiat Etymol. M. p. 393, 35. Εὐνιδῶν, γένος Ἀθήνησι μουσικόν. Alia ratio Kannegiessero placuit in libro de Com. Att. p. 446. qui fabulae titulum reddidit die Beischläferinnen!

nicos sectatores habuit Eupelin (vid. Anonym. de Com. p. XXIX.), Aristophanem (v. Clement. Alex. Str. VI. p. 267. Arist. Eq. 923. cll. Cratino apud Polluc. III, 41.), Cratetem et Teleclidem (v. Athen. VI. p. 267. e. et p. 268. e.), Strattidem (v. Athen. XI. p. 475. c. et Polluc. X, 70.) alios. Ipse quem sequutus sit scio neminem; suo omnia egisse videtur ingenio. Nam de Archilochio fallitur Kannegieserus in libro de Comoedia Att. p. 432.: hunc enim non tam imitatione expressit quam parodiae lusu irrisit. Quam vero cum Aristophane Cratino intercessisse diximus simultatem, ea in tanta Atticorum comitorum de principatu populi gratia aemulatione et mutua obtreptione nihil habet quod magnopere miremur. Et Aristophanes quidem tum aliis in fabulis tum maxime in Equitibus gravissime ei adversatus est, laudans illum quidem propter eximiam ingenii vim et poesios praestantiam, sed eundem acerbissimorum dicteriorum aculeis vellicans et lacescens. Quam sibi injuriam illatam Cratinus ipse rursus in Pytine fabula ulturus, insigni vegetae senectutis et invicti roboris documento, ingenii aciem in Aristophanem strinxit, eumque tum aliorum criminum insinulavit, tum quod Eupolidis scriinia in fabulis scribendis expilaverit, Schol. Equ. 528. Ad eandem simultatem spectat locus a Schol. Platonis inedito servatus apud Seidlerum de Fragm. Aristoph. p. 25. In adversariis et inimicis Cratini apud Schol. Arist. Equ. 524. commemorantur etiam *οἱ περὶ Καλλίαν*, quae utrum de Callia poeta an de Hipponici filio explicanda sint, dubitari potest. Hipponici filium acerbissime taxavit in Archilochis fabula, Schol. Luciani Jove Trag. II. p. 696. fortassis etiam ap. Hesych. s. v. *Κύλλου πῆρα*.

Fabulas Cratinum scripsisse vidimus unam et viginti. At tituli dramatum apud Meursium et Fabricium enumerantur multo plures. Sed ii quidem aut corrupta fabularum elogia in indices suos mero digitorum labore confectos receperunt, aut fabulas nostro Cratino tribuerunt, quas Cratino juniore aliisque comicis tribuere debebant. Videamus de singulis. *Γλαῦκος* apud Athen. I. p. 68. a. *Κρατῖνος Γλαῦκω. οὐ πρὸς γὰρ παντὶς ἐστὶν ἀρτυταὶ καλῶς*. Particula *γὰρ* e Valck. conjectura additur. Pro *Γλαῦκω* mem-

branae γλαῦκον, quod recte praefert Schweighaeuserus. Scribe numeris trochaicis:

γλαῦκον οὐ πρὸς παντός ἐστιν ἀεῖναι καλῶς υ —

Θράσων apud Hesych. s. v. ἀπέφρησεν, ubi Codex habet Θραῦν, ita ut ultimae literae superscriptum sit ες. Legendum igitur Θράσσαις vel Θράτταις. Similiter erratum in Antiattic. p. 104. κακέδουλος, Κρατίνος Θρακί, ubi itidem Θράτταις reponendum esse non dubito. Ἡρώες binis locis tanquam Cratini fabula laudatur, a Polluce Lib. X, 64. ἐν γε τοῖς Κρατίνου Ἡρώσι τὴν ἀσάμινθον κίβωτον νοῦσιν, ἔνιοι δὲ ἔκπωμα, et ap. Suidam s. v. ἀνεκάς. — Κρατίνος Ἡρώσι. Τὸν αὐχέν' ἐκ γῆς ἀνεκάς εἰς αὐτοὺς βλέπων. Sed in Pollucis loco non dubito quin recte pro Ἡρώσι scribendum conjecerim Χείρωσιν, cujus emendationis quis graviolem sponsorem requirat ipso Polluce Lib. VI, 98. καὶ Κρατίνος ἐν Χείρωσιν' ἐξ ἀσάμινθου [κύλικος] λείβων. Unus igitur Suidae locus restat, in quo aut eadem medendi ratio adhibenda est, aut Cratino Cratetis nomen substituendum, cujus Ἡρώες saepissime laudantur. Contra apud Etym. M. p. 270, 6. Κράτης Τροφονίῳ' ξίφιζε καὶ σπένδιζε καὶ διμζέκινον, et Schol. Arist. Nub. 96. Κράτης ἐν Πανόπτταις δράματι, reponere Κρατίνος. Quod in postremo loco monuit etiam Harlesius. Διάδες apud Hesychium s. v. αἴθρια, ubi Cod. dedit Ἡλιάσιν, quod recte in Δηλιάσιν mutavit jam Sopingius. Κρήσσαι ibid. s. v. κωνῆσαι — Αἰσχύλος καὶ Κρατίνος Κρήσσαις. Recte Alberti Αἰσχ. Κρήσσαις καὶ Κρατίνος. Ψηφίσματα apud Harpocr. p. 72. ἀρχεῦται — τὸ καθιερωθῆναι πρὸ γάμων τὰς παρθένους τῇ Ἀρτέμειδι τῇ Βραυρωνίᾳ. τὰ δὲ συντείνοντα ἐς τὸ προκειμενον εἴρηται παρὰ τε ἄλλοις καὶ Κρατίνῳ ἐν τοῖς Ψηφίσμασι, ubi legendum Κρατερῶ, quod cum etiam Maussaco in mentem venisset, postea inconsulto rejecit*). Ἀλλοτριόγνωνες Cratini habemus

*) Idem Crateri Macedonis opus, in quo ille attica psephismata et alia rerum gestarum monumenta ita collegerat, ut servato temporum ordine omnem graecarum rerum memoriam diligentissime illustraret, Plutarch. Arist. 26., ab eodem Harpocrate laudatur v. Ἀνδρῶν p. 40. Ναυτοδίκαι p. 251. Νύμφαις p. 255. ὅτι διμαρτέται p. 268.: ad quae sub iisdem vocibus comparandus est Photius. Titulus libri, novem minimum libros complexi (Harpocr. et Suidas v. Νύμφαις, Stephanus Byz. v. Ἀεταίᾳ p. 117. et Χαλκαστρέας p. 751.) fuisse videtur συγγραφή ψηφισμάτων, ut est apud. Schol. Arist. Ran. 323. ubi vitiose legitur Κρατερεῖς, quemadmodum etiam apud Stephan. Byz. v. Κυρῆν p. 448.

apud Choerob. in Bekk. Anecd. III. p. 1176. *παρὰ Κρατίνῳ Ἄλλοις τραγῳδοῦσι ἐπιλήσμοσι μνημονεύουσιν*. Quae ex Hephaest. I, 3. emendanda sunt. His igitur remotis triginta restant fabularum tituli, quibus rursus eximendi sunt et juniore Cratino tribuendi *Πυθαγορίζοντες* et *Ταξαντίνος*, quibus in fabulis Pythagoreos risisse poetam ex Diogene Laert. VIII, 56. intelligitur, quod proprium fuit mediae et novae comoediae argumentum, velut Mnesimachi in Alcmaeone, Aristophontis in Pythagorista, Alexidis in Pythagorizusa, aliorum denique in aliis. Contra nihil ejusmodi in antiquae comoediae reliquiis deprehendas*). Porro *Ψευδοῦποβολιμαῖος*, quae junioris Cratini fabulam esse vel Platonis commemoratio docet in fragmento apud Diogen. Laert. III, 28., et *Διονυσιαλέξανδρος*, cujus fabulae argumentum ad Alexandri Magni expeditionem, Dionysiaca pompae adsimulatam (v. Arrian. VI, 23. cll. Diodor. Sic. XVII, 106. et Plutarch. Alex. 67.) spectasse ex nominis ratione perspicere mihi videbar, quam

Praeterea laudatur a Plutarcho Cim. 13. Polluce VIII, 126. Schol. Arist. Av. 1073. Steph. Byz. v. *Ληψέμενδος* p. 513. et *Χάλας* p. 750. Praeter psephismata Craterum etiam historicorum testimonia in subsidium vocasse docet Plutarch. Arist. l. l. de quo admonuit jam Kruegerus de Pace Cim. p. 211. Eundem invitante occasione etiam Aristophanis historica attigisse et illustrasse, intelligitur e Schol. Arist. Lys. 313. ubi rursus literis transpositis scriptum legitur *Καρυτερός* ejusmodi error, ut hoc addam, etiam Euryti lyrici poetae locum obscuravit apud Jo. Lydum Fragm. de Mens. p. 282. ubi *Ἐως* dicitur *ἀγαλμοειδής*, quod eruditissimo editori negotia fecisse vehementer miror. Legendum enim *ἀγαλμοειδής*, qua voce Lexica augeri possunt.

- *) Cratinus junior qua aetate vixerit, nemo veterum discrete tradidit. Mediae non antiquae ut fuisse credam poetam comoediae, faciunt fabularum tituli *Γίγαντες*, *Ὀμφάλη*, *Τιτάνης* (Athen. VI. p. 241. c. nisi leg. *Γίγαντι*), *Χίρων*. Dubitationem movere possit fabula *Θερμίνης*, quam laudari putant ap. Athen. IV. p. 170. a. *Κρατῖνος ὁ νεώτερος ἐν Θερμίνῃ*, quod aliis in *Θερμίνῃ*, mihi in *Θερμίνῃ* mutandum videtur. Rem conficit locus e Titanibus allatus, ubi Corydum parasitum habemus, qui Demosthenis aequalis fuit, nec nisi a mediae com. poetis commemoratur. V. Timocles ap. Athen. VI. p. 240. c. Alexis p. 242. d. Denique, ut nihil dubitationis relinquatur, Aristophontem in junioris Cratini loco commemoratum habes ap. Athen. p. 469. c. quem eundem esse parasitum, qui apud Ptolemaeum fuit, teste Athen. VI. p. 244. b. d. haudquaquam improbabile videbitur, si cogites etiam Corydum Ptolemaei tempora attigisse. V. Machon ap. Athen. VI. p. 232. a. b. et Lynceus VI. p. 245. f. Quibus argumentis jam aliae non minus graves rationes accedunt, ex iis petita fabulis, quas propter argumenti rationem Cratino majori eripimus.

conjecturam egregie confirmat fragmentum ejus fabulae apud Macrob. Sat. V. p. 562.

α. στολὴν δὲ δὴ τίν' εἶχε, τοῦτό μοι φεάτον.

β. θύρσον, κροκωτόν, ποικίλον καρχήτιον.

Sic enim recte primum versum emendavit Porsonus ad Eurip. Hecub. 782. Secundo versui sua constabit ratio, si ποικίλον a sequenti vocabulo commate separaveris. Photius: ποικίλον, τὸ Διονυσιακὸν ἱμάτιον οὕτως ἔλεγον. Cf. Pollux Lib. VII, 47. De auctore fabulae eandem Porsoni fuisse sententiam, colligas ex hujus verbis in Praefat. Hec. p. XLV. „Cratinus junior apud Etym. M. et Suid. v. Βῆ. ὁ δ' ἡλιθίος ὡς περὶ βῆ βῆ λέγων βαδίζει.“ Quem versum ex hac ipsa fabula petitum esse, ex Etymologo constat. Denique eidem Cratino tribuendam puto Βούσιριν, ab uno commemoratam Polluce X, 81. Eodem titulo fabulas docuere Antiplanes, Ephippus et Mnesimachus. His igitur fabulis probabiliter juniori Cratino vindicatis, quinque et viginti restant tituli: Ἀρχιλοχοί, Βούκοι, Δηλιάδες, Διδασκαλῖαι, Δραπετιδες, Ἐμπιπράμενοι, Εὐμενίδες, Εὐνείδαι, Θραῖται, Κλεοβουλῖναι, Λάκωνες, Μελθακοί, Νέμεσις, Νόμοι, Ὀδυσσεῖς, Πανόπται, Πυλαία, Πλαῦτοι, Πυτίνη, Σάτυροι, Σερίφιοι, Τροφώνιος, Χειμαζόμενοι, Χείρωνες, Ὦραι. Itaque si verum est, quod supra de Cratini fabularum numero diximus, ne nunc quidem area perpurcata est; quamquam, si Διδασκαλῖαι, Εὐνείδαι et Λάκωνες exceperis, ceterarum fabularum fragmenta certissima continent indicia, quibus majori Cratino vindicantur.

Cum Cratino CRATETIS historiam conjungimus, quo nomine Suidas duos commemorat poetas comicos. Verba haec sunt: Κράτης, Ἀθηναῖος, κωμικός. οὗ ἦν ἀδελφὸς Ἐπίλυκος, ποιητὴς ἐπῶν. δράματα αὐτοῦ εἰσι ζ'. Γεῖτονες, Ἡρώες, Θηρία, Λάμια, Πεδῆται, Σάμιοι. ἔγραψε δὲ καὶ λογιὰν τινά. Κράτης, Ἀθηναῖος, κωμικός ἕτερος, καὶ αὐτὸς τῆς ἀρχαίας κωμωδίας. φέρεται αὐτοῦ δράματα τρία, Θησαυρός, Ὀρνίθες, Φιλάργυρος. Sed hoc inane est grammatici commentum. Unum tantum et recte quidem inter reliquos Cratetas commemorat Diogenes Laert. IV, 23. Eadem, quae Suidas dedit, habet etiam Eudoc. p. 271. nisi quod verba ἔγραψε — τινά, quae de alio quodam Cratete Suidas legerat, omittit. De Epilyco, poeta epico, qui praeter

Suidam tradiderit novi neminem. At bene novimus Epilycum antiquae, ut infra docebimus, comoediae poetam. De aetate Cratetis si quaeritur, Groddeckium Hist. liter. p. 160. qui persicis eum bellis superiorem fuisse fingit, meliora docere poterat Aristophanes Equit. 554. sq. post Cratinum eum commemorans, cujus eum histrionem fuisse tradit ad Aristophanis locum Scholiastes: *κωμωδίας ἦν ποιητὴς ὃς πρῶτος (leg. πρῶτον) ὑπεκρίνατο (τὰ) Κρατίνου, καὶ αὐτὸς ὕστερον ποιητὴς ἐγένετο*. Quibus junge Anonym. de Com. p. XXIX. *τοῦτον ὑποκριτὴν Φασι γεγενῆσθαι τὸ πρῶτον, ὃς ἐπιβέβηκε Κρατίνῳ*. Denique ut omnis dubitatio tollatur, Eusebius ad Olymp. LXXXII, 4. adscripsit: Crates comicus et Praxilla (sic enim legendum pro Telesilla) cognoscebantur. Sed Groddeckium seduxit, ni fallor, Aristotelis locus de Art. Poet. V, 5. in quo ita commemoratur Crates, ut, nisi alia de Cratetis aetate indicia haberemus, non mirarer equidem, si quis hunc Cratino aetate superiorem fuisse sibi persuaderet: *τοῦ δὲ μύθους ποιεῖν Ἐπίχαμος καὶ Φόρμης ἤρξαν. τὸ μὲν οὖν πρῶτον ἐκ Σικελίας ἦλθε. τῶν δὲ Ἀθηνησὶ Κράτης πρῶτος ἤρξεν, ἀφόμενος τῆς λαμβανικῆς ἰδέας, καθόλου λόγους ἢ μύθους ποιεῖν*. Ubi qui λόγοι ἢ μῦθοι commemorantur, Hermannus de ejusmodi argumentis intellexit, quae neglectis conviciis implicationem aliquam et solutionem haberent, hoc est de fabulis vere hoc nomine dignis. Atqui ejusmodi fabulas quum jam Cratinum in scenam protulisse constet, nisi quis etiam apud Aristotelem pro Cratete Cratini nomen reponi velit, alia interpretationis via ineunda est. Ac mihi quidem hoc Aristoteles significare voluisse videtur, cum Cratinus ceterique antiquiores comici certos quosdam homines in fabulis suis exagitassent populoque ridendos propinassent, Cratetem primum apud Athenienses extitisse, qui Epicharmi exemplo comicae poesis materiam a singulorum hominum irrisione ad generales morum notationes rerumque descriptiones traduceret, quarum quum alias e communi hominum vita alias autem e mythicarum fabularum cyclo petiisset, non male, ut equidem opinor, Aristoteles Cratetem *καθόλου λόγους ἢ μύθους ποιῆσαι* perhibuit. Ac confirmant hanc interpretationem quodammodo ea, quae Anonymus περὶ Κωμωδίας p. XXIX. de Pherecrate, Cratetis imitatore, tradidit: *ἐξήλωκε Κράτητα, καὶ τοῦ μὲν λοιδο-*

ρεῖν ἀπέστη, πράγματα δὲ εἰσηγούμενος καινὰ ὑδούκει γινόμενος εὐρετικὸς μύθων. Cujus rei exemplum in Pherecratis Crapatalis vere agnovit Tiber. Hemsterhusius ad Polluc. IX, 83. Quod autem lacesse consuetudinem omisisse Crates ab Aristotele dicitur, id plane fragmenta fabularum confirmant, in quibus nihil prorsus reperias, ex quo certos quosdam homines eum carpsisse intelligatur. Omnino plenum festivitatis poetam fuisse Cratetem, docent expressa veterum scriptorum testimonia; quamquam Aristophanes in Thesmophoriazasis prioribus apud Athen. III. p. 117. c. inficetum ejus de elephantino salsamento commentum riserat. Sed idem in Equit. 555. sq. haud vulgaribus eum ornavit laudibus, licet ironiae quodam colore adpersis:

ὁς ἀπὸ μικρᾶς δαπάνης ὑμᾶς ἀριστίζων ἀπέπεμπεν,
ἀπὸ κραμβοτάτου στόματος μᾶττων ἀστειωτάτας ἐπινοίας.

Scholias: τραγικός ποιητὴς ἐλυγρόστιχα ποιήματα γράψας, ubi καμικὸς repotendum, nisi is Scholiastae error est, nostrum Cratetem cum philosopho eodemque tragoediarum poeta confundentis. Alius ibidem: μικρὰ ἐποίη καὶ ἔτερε τοὺς ἀκρατάς γράφων ἡδέα. Quibus Anonymi iudicium convenit, γελοῖον καὶ ἱλαρὸν poetam eum fuisse dicentis. Inde etiam est, quod, eodem teste Anonymo, primus atticorum comicorum ebrios in scenam induxit, πρῶτος μεθύσους ἐν κωμῳδίᾳ προήγαγε sive potius παρήγαγε, quod quo auctore, quaque in fabula fecerit, ex Athenaeo Lib. X. p. 429. a. discimus: ἀγροῦσι τε οἱ λέγοντες πρῶτον Ἐπίχαρμον ἐπὶ τὴν σκηνὴν παραγαγεῖν μεθύοντα, μεθ' ὃν Κράττητα Γεῖτοσιν, quod jam ante Epicharmum fecisse Aeschylum in Cabis, de quo cf. Lobeckius Myster. graec. I. p. 8. Itaque hac etiam in re Cratetem Epicharmi vestigia sequutum videmus. Ut ceteros fere poetas comicos, ita etiam Cratetem popularis aurae inconstantiam expertum esse tradidit Aristophanes Equit. 554. Ubi quod Scholiastes narrat, Cratetem largitione spectatorum voluntatem et applausum sibi redemisse, fortasse merum grammatici commentum est. De fabularum, quas docuerit, numero non consentiunt veteres scriptores. Ac Suidas alteri, quem fingit, Crateti tres tribuit fabulas: Θησαυρόν, Ὁρμισθας, Φιλάργυρον, alteri septem: Γεῖτονας, Ἡρώας, Θηρία, Λάμμαν, Πεδήτας, Σαμίους. Ubi aut corruptus est

numerus ζ' aut unius fabulae titulus excidit. Septem fabulas ei adsignat etiam Anonymus de Com. p. XXIX. octo alius ibidem p. XXXIV. At praeter novem istas, quas nominatim Suidas recensuit, fabulas, commemorantur ejus Παιδιαί, Πήγρες et Τόλμαι. Nam quae praeterea sub ejus nomine passim laudantur fabulae, eae dubitationes movent gravissimas. Quam Stobaeus Sermonum CXVI. p. 475. Cratetis servavit eclogam, ei in Gesneri margine adscriptum legitur: Cratetis ex Antiphane. Simplex Cratetis nomen posuit Grotius. Fortasse antiquitus scriptum fuit Κρατήτης ἢ Ἀντιφάνους, cujusmodi errores in Stobaei margine sunt frequentissimi. Ἐορταί laudantur a Polluce Lib. VII, 92. sed incertam facit lectionem idem Pollux Lib. X, 54. ubi quod olim edebatur Ἐορταῖς, nunc cessit codicis lectioni Τόλμαις, ut idem etiam altero loco reponendum videatur. Μετοίκους habet Etymol. M. p. 693, 10. sed pro Κρατήτης legendum videtur Φερεκράτης, cujus Μέτοικοι frequentissime a grammaticis commemorantur. Παρεκαταθήκη laudabatur olim Poll. IV, 173. ubi nunc Cod. Voss. Sosicratis nomen dedit*). Ὀδυσσεῖς apud Etym. M. p. 567, 22, Πανόπτας apud Schol. Arist. Nub. 96, Πυτίνην apud Etymol. M. s. v. διακωνιάσαι, Τροφώνιον ibid. p. 270, 6, Σεξιφίους apud Schol. Arist. Nub. 691, denique Χείρωνας apud Athen. IX. p. 295. f. Cratini non Cratetis fabulas esse, tum ipse supra monui, tum ex parte etiam ab aliis monitum est. Συναριστῶσαι, quae Menandri fabula est, quo er-

*) Sosicratis nomen desidero etiam apud Maxim. Conf. p. 198. Gesn. ubi Socrati haec verba tribuuntur: ὅταν ποδῶν σε καὶ στέργῃσι λίγῃ γυνή, φεβοῦ παρ' αὐτῆς πλείον ἢ λίγῃ κακά. Quae et comico poeta ducta esse non dubito:

Ὅταν γυνὴ ποδῶν σε καὶ στέργῃσι λίγῃ,
φεβοῦ παρ' αὐτῆς πλείον ἢ λίγῃ κακά.

Similis in nominibus error est apud Schol. Arist. Equ. 959. ubi Socrati Cratetis grammatici nomen substituendum esse monuit Geelii Bibl. crit. I. p. 62. Idem Crates invenitur apud Hesychium v. ἰνώπια, ubi fuere qui in corrupta voce ἰνώχος Crateteae fabulae titulum Ἡνώχοι latere putarent, et apud Schol. Aristoph. Equ. 790. ubi editor Κρατῖνος δι φησὶν ἔτι πάντων στινὴν καταδύσειν οὕτως (γυπαρίων) ὠϊμέαζοι. Corrigendum Κρατῖνος e Suida s. v. γυπαρίαις. Quamquam etiam Cratini cujusdam grammatici mentionem injectam videas apud Etym. M. p. 142, 17. ἐν τῇ ἱπποκμή Βασίλειδου περὶ ὁμηρικῆς λίζις.

rore in Cratetis fabularum recensum irrepperit, discere licet e Porsoni Adv. p. 74. Φοίνισσαι laudantur Schol. Arist. Vesp. 879. ἦν καὶ Ἀκαλήφην λέγεσθαι φησι Κράτης Φοινίσσαις. Sed ibi Cratetis grammatici commentarium in Aristophanis Phoenissas significari probabilis est conjectura Valckenarii Praefatione ad Euripidis Phoenissas. Remotis igitur, quas non scripsisse videtur Crates, fabulis, restant hae duodecim: Γεῖτονες *), Ἡρώες, Θηρία **), Θησαυροί, Λάμια, Ὀρνίθες, Παιδίαί, Πεδῆται, Ῥήτορες, Σάμιοι, Τόλμα, Φιλάργυροι. Qui numerus quum neque cum Suida neque cum Anonymo conciliari possit, rem ita fortasse expedire licebit, ut inter fabulas Cratetis aliquot fuisse statuamus suppositicias, Suidam autem et Anonymum eas tantum recensuisse, quas ipsi sive potius ii, quorum ipsi vestigiis insisterent, genuinas esse putaverint.

Iisdem ferme temporibus, quibus Cratinus et Crates floruerunt, vixit etiam TELECLIDES Atheniensis, acerbus Periclis adversarius, Athen. p. 456. f. Plutarch. Pericl. 3. et 16., ubi qui asseruntur Teleclidis anapaesti, brevi post expulsum Thucydidem, Milesiae filium, scriptos suspicor, h. e. post Olymp. LXXXIII, 4. Fabulas docuit sex, teste Anonymo de Com. p. XXXIV. in quibus fuisse etiam, quas spurias judicarent veteres critici, intelligitur e Phrynichi Ecl. Att. p. 291. βρέχειν ἀπὶ τοῦ ὕειν ἐν τινι κωμῳδίᾳ ἀρχαίᾳ προστιθεμένη Τηλεκλείδῃ τῷ κωμῳδῷ. Fabularum tituli commemorantur quinque, Ἀμφικτύονες, Ἀψευδεῖς, Ἡσιόδοι, Πρωτάνεις, Στεῖροί. Ex quibus quae fragmenta afferuntur, nihil habent, ex quo de argumentis fabularum conjecturam capere liceat, nisi quod Androcleon, Asopodorum, Proxeni-
 dem, Philoxenum, Diopithem aliosque ejus generis homines acer-

*) Grammat. apud Bekk. Anecd. I. p. 144. Κρατῖος Γίττονι εἰ σοφὸς ᾖ. Corrigendum Κράτης. Idem error in ejusdem fabulae commemoratione codicis ope sublatus est ap. Polluc VII, 179.

**) Ea in fabula ipsas feras loquentes introduxisse poetam docet fragm. ap. Athen. III p. 119. c. καὶ τῶν ἐφαίνων ἵψην καὶ (hic excidit versus clausula) ἰχθύς τ' ἐπ' αὐτὸς τοὺς τε ταρίχους, ἡμῶν δ' ἀπὸ χιτῶος ἔχισθαι. Ex eodem dramate quae mendosissime scripta afferuntur a Polluce VI, 53. Eupolideo metro concepta fuisse videntur: Οὐκ ἄρ' ἔστ' οὐδὲν κρίας, ὡς ὁμοῖς ἰλιγίστ', οὐδ' ὅτι ἔδωκεθ' οὐδὲν ἔξ ἀγορῆς, οὐδὲ τάκωνας ~ ~ || — —' ποιητόμειδ', οὐδ' ἀλλὰ τας.

rime exagitatos esse intelligimus. Eidem Teleclidi fuisse qui *ιστορίαν Τελχωνιακὴν* ab Athen. VII. p. 282. e. laudatam tribuerent, nescio quo auctore tradiderit Schweighauserus.

Teleclide paullo junior, sed Eupolide et Aristophane prior fuit HERNIPPUS Atheniensis, Lysidis filius, testante Suida v. Μυρτίλος, et Myrtili comici poetae frater. Suidas: Ἑρμιππος — ἐτερέφθαλμος, ἀδελφὸς Μυρτίλου, δράματα διδάξας μ'. Eadem fere habet Eudocia p. 167. Acrem Periclis obtrectatorem fuisse vel eo argumento intelligitur, quod Aspasiae impietatis litem intendit, teste Plutarcho Per. 52. quod factum videtur Olymp. LXXXVI, 4. Ipsum Periclem contumeliosissimis versibus perstrinxit apud Plutarch. Per. 55.

Βασιλεῦ Σατύρων *), τί ποτ' οὐκ ἐθέλεις
δόρυ βαστάζειν, ἀλλὰ λόγους μὲν
περὶ τοῦ πολέμου δεινούς παρέχεις
ψυχὴν δὲ Τέλειτος ὑπέστης;

Quae eo scripta sunt tempore, quo Lacedaemonii primum Atticam invaserant, Pericles autem, quamquam praecipuus belli suasor et auctor extiterat, aciem tamen contra hostes instruere non sine magna civium offensione cunctabatur. Plane conveniunt Thucydidis verba Lib. II, 21. Παντί τε τρόπῳ ἡ πόλις καὶ τὸν Περικλέα ἐν ὀργῇ εἶχον, καὶ ὧν παρήνεσε πρότερον ἐμέμνηντο οὐδέν, ἀλλ' ἐκάκιζον ὅτι στρατηγὸς ὧν οὐκ ἐπεξάγοι. Ex quo liquido intelligitur fabulam, ex qua hos versus Plutarchus attulit, quamque Μοίρας fuisse ex Athen. VIII. p. 344. c. et XV. p. 668. a. probabiliter effici

*) Acerbissimum dieterium, comparandum illud cum Aristophaneo δημοτικῷ Ran. 1085. et titulo fabulae Timocleae Δημοσάτυροι apud Athen. IV. p. 165. f. de quo pessime statuit Schweighauserus. Eodem spectat fortasse Ecphantidis, Phrynichi, Cratini et Ophelionis fabularum elogium Σάτυροι. Longe alio sensu Choerilus tragicus a vetusto quodam scriptore dictus est ἰν Σατύροις βασιλεὺς, ad quae Naekius Choer. p. 265. comparare poterat Lucian. Rhet. praec. T. III. p. 12. βασιλεὺς ἰν τοῖς λόγοις. Ceterum quo sensu Hernippus Σατύρους, eodem πιδήκους posuit Phrynichus in loco ap. Schol. Arist. Av. 11. ita, ni fallor, refingendo: Μεγάλους πιδήκους εἶδ' ἰτέρους τινας λίγιαι, Λυκίαι, Τρίαι, Πείσανδρον, Ἐξηκιστὶδην. Quibus alter interlocutor respondet: Ἄλλ' ἀπὸ μέλους εἴπας πιδήκους, ἡ Δία. Ὁ μὲν γὰρ διελός, ὁ δὲ κόλαξ, ὁ δ' αὖ τίςτος, τίτος δ' ὁ τίταρτος.

potest, actam esse Olymp. LXXXII, 1. Fabulas, Suida teste, scripsit quadraginta, actore usus Simermnone, de quo vide Schol. Arist. Nub. 539. 541. 542. Tituli dramatum servati sunt decem: Ἀθηναῖς γενναί, Ἀρτοπόλιδες (quam post Olymp. LXXXIX, 4. actam esse ex Arist. Nub. 552. colligere licet), Δημόται, Εὐρώπη, Θεοί, Θεσμοφόροι, Κέκρυπες, Μοῖραι, Στρατιῶται, Φορμοφόροι. Ex his Θεσμοφόρους unus laudavit Pollux X, 122. docens ille, Hermippum hac in fabula τὸν κύαθον καὶ τὴν εἰσοχὴν καὶ τὸ λυχνίον et similia dixisse χαλκία et χαλκίδια. Ubi Casaub. ad Athen. XV. p. 700. d. corrigit Φορμοφόροις, quod praestat certe Fabricii rationi, non comici poetae fabulam apud Pollucem laudari existimantis, sed Hermippi Smyrnaei opus de legislatoribus. Atqui Hermippus Smyrnaeus scripsit περὶ Νομοθετῶν non Θεσμοφόρους, Athen. XIII. p. 555. c. et Origenes c. Cels. I. p. 13. E Φορμοφόροις, ut Hesych. s. v. Διὸς βάλαναι et Antiatt. p. 32. docent, sumta sunt longiora fragmenta apud Athen. I. p. 27. a. et 29. c. quorum utroque parodia Homericorum versuum continetur; ut non dubitem, quin ad hanc ipsam fabulam respexerit Polemo apud Athen. XV. p. 699. a. πεποίηκε δὲ παραφῶδιās καὶ Ἑρμιππος ὁ τῆς ἀρχαίας κωμῶδιās ποιητής. Quae Fabricius aliiue ita intellexerunt, quasi Hermippus parodias proprie sic dictas singulari volumine complexus ediderit. Mihi Hermippus parodias istas fabulis suis intexuisse videtur, Epicharmi Cratini aliorumque exemplum sequutus. In hoc fabularum Hermippi recensu consulto omisi Κοθόρηνους a Polluce laudatam VII, 202. παραυτίριαν δὲ ἐν τοῖς Γεωργαῖς Ἀρυστοφάνης ἔφη, Ἑρμιππος δὲ ἐν τοῖς Κοθόρηνοις παραυτελῶναι. ὁ αὐτὸς ἐν Ἀρτοπόλιδι φησιν ὡς σαπρὰ πορνή καὶ κάπραινα. At Cod. Falck. habet Φιλωνίδης δὲ ἐν τοῖς Κοθόρηνοις, et postea Ἑρμιππος δὲ pro ὁ αὐτός, quod verissimum esse docet Pollux IX, 29. ubi hunc versum e Philonidae Cothurnis attulit:

παναγῆς γενεάν, παραυτελῶναι, Μεγαρεῖς, δεινοὶ πατραλοῖαι.

Praeterea laudantur Hermippi Dimetri, Iambi et Tetrametri. De quibus quid statuam, non habeo. Dimetros semel ad partes vocat Schol. Arist. Vesp. 1164. ubi legendum videtur: ὅστερον δ' αὐτὸν στρατηγὸν || Καὶ κασαλβάζουσιν εἶδον || Καὶ σεσαλακωσμένην, quae in effeminatum hominem et pathicum dicta sunt. Ex Iambis duos troch. tetram. affert

Athen. XI. p. 461. e. Trimetrum iambicum ex iisdem habet idem Athen. III. p. 76. c. fortasse etiam XV. p. 700. d. De alio loco XV. p. 667. d. nihil certi definire licet. Prorsus singularia sunt quae attulit ex eo carmine Schol. Arist. Plut. 701., ex quibus colligit Hemsterhusius, Iambos non comoediae fuisse titulum, sed operis ex pluribus diversaeque materiae carminibus iambicis conflati. Atqui vidimus in iis etiam trochaicos versus locum habuisse. Tetrametros denique commemorat Schol. Arist. Av. 504. loco corruptissimo.

Hermippi fratrem ΜΥΤΙΛΩΜ fuisse, supra e Suida monuimus, cujus vitam utpote in cauponis et tabernis transactam tangi putant ab Athen. XIII. p. 566. f. ex quo loco, cum mendosissime scriptus esse videatur, nihil ejusmodi efficias. Ejus duas fabulas commemorat Suidas, alteram Ἐρωτες inscriptam, ex qua nihil fragmentorum superest, alteram Τιτανόπαινες, passim a grammaticis sed fere corrupto fabulae titulo laudatam. Apud Schol. Arist. Av. 1490. Μυρτίλος ἐν τῇ Τιτανόπαισι legitur pro ἐν Τιτανόπαισι. Minus recte Kusterus ad Suid. II. p. 590. Τιτανόπαισι, seductus Meursii errore Bibl. Att. p. 1575. qui ex Aspasio ad Arist. Eth. Nicom. IV, 2. fabulae titulum fuisse credidit Τιτανόπαιδες. Sed hic etiam scribendum Μυρτίλος (non Μυρτίλος, quod etiam Suidas habet) ἐν Τιτανόπαισι. In accentu peccat non Eudocia tantum p. 504. quae habet Τιτανόπαινες, sed etiam Suidas, apud quem legitur Τιτανόπαινες. Grammat. apud Bekk. Anecd. III. p. 1198. τὰ εἰς ἀν λήγοντα εἰ — ὧσι σύνθετα, βαρύνονται — ὅν Ἐρμόπαν, Ἀντίπαν (fort. Αἰγίπαν), Τιτανόπαν. Stephanus Byz. s. v. Ἀκαρνάν, τὸ ἐθνικόν, ὡς Αἰνάν, Ἀθαμάν, Αἰζάν, ἀπλᾶ γὰρ τὸ Τιτανόπαν σύνθετον. De argumento ex paucis fragmentis nihil elici potest, nisi forte ex ipso titulo suspiceris, risisse poetam hac fabula increbrescentem illis temporibus consuetudinem, qua diversa deorum numina in unum nomen conjungerent, cujus generis fuere Panapollo, Hermopan, Hermathene, Hermerotes alia. Sic etiam Titanopan, quod nomen non male Berckel. ad Steph. Byz. p. 74. de conjuncto Panis Solisque nomine interpretari videtur. Nisi forte argumentum fabulae ad παιδεραστίας spectasse dicas. Certe Titanes ἀπὸ τοῦ τιταίνειν hanc conjecturam optime sustentant. Hesych. II. p. 1392.

Τιτάν, ὁ παιδεραστής, ubi confer Albertum. Vide eundem sub v. Πᾶνες. Omisso fabulae indicio rarissime laudatur Myrtilus, cfr. Pollux VI. 40. et Phrynich. Ecl. Att. p. 435. Ceterum fallitur Fabricius Bibl. Gr. II. p. 471. eundem hunc Myrtilum laudari putans a Suida s. v. Λήμιον. Is enim historicus est Myrtilus, Lesbiorum auctor notissimus, de quo cfr. Voss. de hist. Gr. III. p. 391; idem Myrsilus vocatur apud Plutarch. de Aquat. et terrestr. p. 984. E. ubi quae afferuntur, ex ejus ιστορικῶς παραδόξοις ab Athen. XIII. p. 610. a. laudatis desumpta sunt.

Eorum, de quibus adhuc disputavimus, poetarum aequalem fuisse suspicamur ALCIMENEM, cujus fabulam Κολυμβῶσαι inscriptam e Ptolemaeo Hephaestionis f. commemorat Photius Bibl. Cod. CXC. p. 554. d. ὅτι τε λευτήσαντες Δημητρίου τοῦ Σκηψίου τὸ βιβλίον Τέλλιδος πρὸς τῇ κεφαλῇ αὐτοῦ εὐρέθη· τὰς δὲ Κολυμβώσας Ἀλκμάνους πρὸς τῇ κεφαλῇ Τυννίχου (ita Naekius de Choer. p. 39. pro corrupto Τιτανίχου) τοῦ Χαλκιδέως εὐρέσθαι φασι, τοὺς δ' Ὀβριστοδίκας Εὐπλόιδος πρὸς τῇ Ἐφιάλτου, τοὺς δὲ Εὐνείδας Κρατίου πρὸς τῇ Ἀλεξάνδρου. Ubi corruptum Ἀλκμάνους nomen non in Ἀλκμαίωνος, ut voluit Welckerus Fragm. Alcm. p. 9. sed in Ἀλκιμένους mutandum esse docet Suidas s. v. Ἀλκιμένης T. I. p. 117. ἔστι δὲ καὶ ἕτερος Ἀλκιμένης Ἀθηναῖος, κωμικός. Illud autem verissime monuit Welckerus, quas idem Suidas, sive suo ipsius sive aliorum errore deceptus, Alcmani lyrico tribuit Κολυμβώσας, non diversas putandas esse ab iis, quas nunc ipsum Alcimeni comico vindicavimus. Aetatis autem, qua vixit Alcimenes, certissimum, ni fallor, indicium Ptolemaei verba praebent, quippe qui Κολυμβώσας fabula Tynnichum Chalcidensem impense delectatum fuisse significet. Jam quum Tynnichum, paeanis auctorem laudatissimum, Aeschyli aequalem fuisse constet e Porphyrio de Abstin. II. p. 152. de quo loco disputavit Menagius ad Diogen. Laert. II, 42. Aeschylus autem obierit Olymp. LXXXI. non incredibile quidem videri possit, Alcimenis aetatem vel Cratino fuisse superiorem: at quum tanta Alcimeneae fabulae praestantia fuisse videatur, quae non cadat in eos, qui Cratinum praegressi sunt, poetas comicos, Tynnichum autem nihil impediatur quo minus vitam ultra Aeschylum produxisse statuamus, mihi quidem, temporum rationibus probabiliter sub-

ductis, vix dubitari posse videtur, quin Alcimenes Cratini Teleclidis ceterorumque, quos recensuimus, poetarum aequalis fuerit.

Accedimus jam ad eorum poetarum historiam, quorum opera tantam Comoedia perfectionem naeta est, ut quo ultra procederet non haberet. Nam aucta mirum in modum popularis imperii licentia, et succrescente in dies nequissimorum hominum, qui reipublicae statum labefactarent, proventu, fieri non potuit, quin totis comoedia insurgeret viribus. Quam aetatem ita finibus suis circumscribere licebit, ut eam inde ab Olymp. LXXXVI. usque ad Olymp. XCIII. pertinuisse statuamus: quamquam jam inde ab Olymp. XCI. passim extitisse, qui effrenem comicae Musae libertatem coercere conarentur, facile doceri potest*). Hanc igitur aetatem,

-
- *) Antiquissimum exemplum comoediae angustioribus finibus circumscriptae habemus apud Schol. Aristoph. Acharn. 67. ex quo intelligimus, archonte Morychide h. e. Olymp. LXXXV, 1. senatus consulto cautum fuisse μή κωμῶδῆν, quam legem tertio post anno, Olymp. LXXX, 4. archonte Euthymene rursus sublatam esse ibidem legimus, cujus rei causas illorum temporum historia suppeditat. Ab hoc igitur tempore comoedia integram nec a quoquam imminutam libertatem retinuit, donec Syracosius quidam eam paululum labefactaret. Schol. Aristoph. Av. 1297. δοκί δὲ καὶ ψήφισμα τιθένται μὴ κωμῶδῆσαι ὁρμαστὶ τινα, ὡς Θεόφραστος ἐν Μοιτροέσῃ φησὶ, quam fabulam actam esse Olymp. XCI, 2. archonte Chabria praeter Argumentum Avium docet Schol. Av. 997. καθήκοντα δὲ ὁ Μοιτροέστος ἐπὶ τοῦ αὐτοῦ χωρίου εἴρηται, quae ita corrigenda sunt ἐπὶ τοῦ αὐτοῦ Χαβρίου, ὡς εἴρηται vel προέηται. Itaque probabile est, legem istam latam fuisse Olymp. XCI, 1. quae etsi non diu valuit, ea tamen sequuta sunt tempora, quae comoediae libertatem haud leviter attererent, ipsisque adeo poetis pericula intenderent: cujus rei documentum habemus pervulgatam illam de Eupolidis nece narrationem, quae fingi profecto non potuisset, nisi infesta comicae licentiae tempora talis figmenti occasione praebuissent. Similem legem latam esse ab Antimacho, traditur ap. Schol. Arist. Acharn. 1149. quamquam ad quoddam illa tempus pertinuerit non additum est: ἰδοὺ δὲ ὁ Ἀντίμαχος οὗτος ψήφισμα πίπτειναι, μὴ διὺ κωμῶδῆν ἐξ ὁρματος, quae ad Morychidis psephisma traxit Boeckhius Oeconom. Att. T. I. p. 345. quamquam ex ipsis Aristophanis verbis nihil efficias, nisi Antimachum, choregi munere in Lenaeis ludis fungentem, choreutas paullo parcius habuisse; ilque eo ipso tempore, quo Acharnenses docerentur, factum esse, h. e. Olymp. LXXXVIII, 3. non est quod dubitemus. Postea Olymp. XCII, 2. cum democratia etiam comoediae libertatem solutam fuisse, etsi nemo discrete tradidit, maxima tamen est suspicio. Sed restituito mox populari imperio, denuo comoedia antiquam vim obtinuit, cujus rei luculentum testimonium habemus Aristophanis Ranas Olymp. XCIII, 3. aetas. Inde ab Olymp. XCIII, 4. triginta viris saevientibus cursus arctioribus legibus adstrictam fuisse comoediam, dubitari non potest. Atque ad haec tempora mihi referenda videntur quae narrantur in Vita Aristophanis p.

quamquam partem ejus etiam Cratinus ceterique, quorum post Cratinum historiam enarravimus, comici attigere, maxime tamen illustravere splendidissima comicae poesios sidera Eupolis, Aristophanes, Plato, Phrynichus, Pherecrates aliique, de quibus deinceps exponemus, initio ab Eupolide facto.

EUPOLIS igitur, Atheniensis, testante Anonymo de Com. p. XXIX. fabulas Athenis docere coepit, magistratum tenente Apollodoro, Olymp. LXXXVII, 3. quocum consentiunt fere quae Cyrillus ex antiquis chronologis tradidit c. Julian. Lib. I. p. 13. B. ὁ γδοηκοστῇ ὀγδοῇ τὸν κρημδὸν

XXXVII. Lips. Φησὶςματος γὰρ ὑποκρίνου χορηγοῦ (leg. χορηγικοῦ), ὥστε μὴ ἀνομασίαι κρημδὸν εἶναι. — ὕγραψι — Κακαλοῖ, quam prius scriptam fuisse argumentis probari non potest. Tam graviter igitur cum comoedia affligeretur, non mirum est, cives, cum sua comoediae materia deesset, conjunctas cum fabularum commissione impensas facere amplius noluisse. Cfr. Platonius de Com. p. XXXIV. Lips. Quo accedebat, quod, cum bellum Peloponnesiacum et publicas et privatas Atheniensium opes insanabili vulnere afflisset, civibus ne in summa quidem faciendi voluntate sumptus ad choros, in quibus praecipua veteris comoediae laus fuit, rite digneque instruendos suppetere. Quamquam enim comici chori non eo, quo tragici, splendore gaudebant (Heraldis Animadv. in Salm. Observ. ad Ius Att. et Rom. VI, 8, 5.), eos tamen sumptus requirebant, quos in tanta omnium rerum clade vix ac ne vix quidem erogare possent. Ita factum est, ut jam Eupolis, quem ultra Olymp. XCIII. vitam produxisse doceri non potest, de sordida choregi paupertate quereretur, apud Polluc. III. p. 329. Ἡδὲ χορηγὸν πάντοι ἐπακρωτίει τοῦ ἱδρῶτος; Omnium autem maxime Cinesias, dithyrambicus poeta, quum a comicis poetis crudelissime sed suo merito vexaretur, nihil intentatum reliquisse videtur, quo veterem chori magnificentiam et dignitatem convelleret. Schol. Aristoph. Ran. 153. 406. Quod factum esse brevi ante Pluti editionem secundam h. e. Olymp. XCVII. docemur in Vita Aristoph. p. XXXVIII. Lips. Similiter Agyrrhius, futilissimus homo, comoediae vim et dignitatem eo labefactare conatus est, quod poetarum mercedem immineret. V. Schol. Aristoph. Eccl. 102. et Ran. 367. emendante Brunckio. Quod factum videtur Olymp. XCVI, 3. quo tempore maximam fuisse Agyrrhū in civitate potentiam in Historia demagogorum atticorum docebimus. Ita igitur factum est, ut tum civilis libertatis jactura privatarumque rerum calamitate, tum singulorum hominum, quibus molesta esset comoedia, invidia vetus comoediae licentia gravissime affligeretur, et chorica carmina fere prorsus obmutescerent. Mutata igitur rerum conditione non mirum est, etiam parabasin, cujus in antiqua comoedia vim optime declaravit Platon. de Com. I. I. p. XXXIV, ab hoc inde tempore prorsus et fabulis exulasse. Quamquam enim etiam inter vetustioris comoediae fabulas fuerunt, quae neque chorica carmina neque parabases haberent, ex quo genere Cratini Ὀδυσσεὺς fuisse scimus, tamen haec et numero fuerunt paucissimae et iis fortasse scriptae temporibus, quibus comoediae dignitatem Morychidis psephismate labefactata esse docuimus, i. e. inter Olymp. LXXXV, 1 — 4.

Ἀριστοφάνην Εὐπολὶν τε καὶ Πλάτωνα γενέσθαι, quae non de natali anno, sed de eo tempore, quo illi florere coeperunt, intelligenda esse verbo monuisse sufficiat. Eidem Olympiadi Eupolin et Aristophanem assignat Syncellus Chron. p. 205. c. Natalem annum Eupolidis facile e Suidae verbis cum Anonymi loco comparatis elicias. Is enim s. v. Εὐπολὶς hunc decimo septimo aetatis anno primam fabulam egisse diserte tradidit, quae si vera sunt, Eupolin Olymp. LXXXIII, 2. natum esse apertum est. Nonnihil tamen dubitationis injicit, quod legem fuisse perhibent, qua caveretur ne quis ante trigesimum sive, ut alii volunt, quadragesimum aetatis annum fabulas doceret. Cujusmodi legem si vere fuisse Scholiastae ad Aristoph. Nub. 526. credimus, ea certe non ad sequiora tempora valuit, siquidem Menander etiam, cum nondum ex ephebis excessisset, fabulas docuit. Vide Proleg. ad Men. p. XXX. Minus etiam certa de anno, quo mortuus est Eupolis, pronunciari possunt. Ac vulgaris quidem narratio si vera esset, qua eum ab Alcibiade in Siciliam navigante propter Baptas fabulam, de qua infra dicitur, in mare dejectum esse ferunt *), obitus ejus incideret in primum annum Olymp. XCI. media aetate. V. Thucyd. VI, 29. et Diodor. Sic. XIII, 3. Sed redarguit hoc, ut Ciceronis verba ad Attic. VI, 1. mea faciam, Eratosthenes; affert enim quas ille post hoc tempus fabulas docuerit. Idque verissimum esse vel e fragmentis effici potest, siquidem Eupolis in versu a Schol. Victor. servato apud Heynium ad Iliad. T. VI. p. 646. Aristarchum στρατηγὸν Atheniensium commemorat, quem imperatorio munere functum esse Olymp. XCII, 1. infra docebimus. Itaque multo magis ad temporum rationes appositae sunt, quae Suidas, alios auctores sequutus, de obitu Eupolidis narrat: ἀπέθανε κατὰ Ἑλλησποντον ἐν τῷ πρὸς Λακεδαιμονίους πολέμῳ, καὶ ἐκ τούτου ἐκωλύθη στρατεύεσθαι ποιητήν. **) Quibus verbis quin aut celebris illa

*) Eodem fuerunt qui traherent Ovidii verba in Ibid. 593. Comicus in liquidis perit dum nabat in undis, Et tua sic stygius stranglelet ora liquor. Quae rectius de Menandro capias. V. Proleg. ad Menandr. p. XXV.

**) De hac lege qui praeter Suidam tradiderit scio neminem. Choreutas vacasse militia notum est. V. Petiti Legg. Att. p. 555.

Atheniensium victoria de Lacedaemoniis ad Cynossema *) (Olymp. XCII, 2.) reportata aut proelium ad Aegospotamos commissum (Olymp. XCIII, 4.) significetur, dubitari non potest: Prius si accipimus, commode explicari potest, qui factum sit, ut Eupolis ab Alcibiade in mare dejectus esse diceretur. Nam si Eupolis in ipso illo ad Cynossema proelio, in quo magnas Alcibiadis partes fuisse constat, interiit, non improbable est extitisse, qui id Alcibiade machinante, quem Eupolidi iratum scirent, factum esse dicerent. Quem rumore, ubi semel increbuit, non mirum est postea ad Siculam expeditionem translatus esse. Haec enim, ut infra docebimus, proxime Baptarum commissionem sequuta est: Sed vereor ne frustra conjecturis indulgeamus in re neque per se magna et multis diversisque narrationibus obscurata. Nam Aelianus H. A. Lib. X, 41. et Tzetzes Chil. IV, 248. Eupolin in Aegina insula mortuum sepultumque **) tradunt, Pausanias autem Lib. II, 7. monumentum ejus in agro Sicyonio se vidisse narrat. Itaque nihil certi tenemus, nisi quod vitam ultra Olymp. XCII, 1. produxit. Boessius Misc. p. 546. et Petavius ad Themistium, a Bernhardio Eratosth. p. 229. laudati, num certiora attulerint, mihi incompertum est; nec magis Vossium Art. hist. IX. a Fabricio laudatum consulere licuit. De domesticis viri rebus ***) nihil quidquam memoriae proditum est, nisi quod servum habuit Ephialtem, qui, cum aliquot domini fabulas surripisset, ab Augea, Eupolidis cane fidelissimo, morsibus necatus est. V. Aelianus et Tzetzes l. l. Ac fortasse is idem Ephialtes est,

*) Cynossematis situm in nostris tabulis geographicis male in infima Chersonesi parte indicatum esse, e Thucydidis narratione (VIII, 104.) paullo operosius quam necessarium erat demonstravit eruditissimus Poppo P. I. Vol. 2. p. 333. Rem optime declarat Strabo Lib. XIII. p. 318. Lips. μεταξύ δι' (inter Abydum et Dardanum) ὁ Ῥαῖος ἐκίπτι ποταμός, καθ' ὃν ἐν τῇ Χερσονήσῳ τὸ Κυνὸς σῆμα ἐστίν.

**) Fortasse igitur cleruchus fuit Aegineticus, ut Aristophanes. V. Muellieri Aegin. p. 184. et Schol. Plat. MS. ap. Seidler. Fragm. Arist. p. 23.

***) Patris nomen fortasse Suidas servavit: Εὐπόλις, Σωπίολις, κυρικὸς, οὗτος etc. ubi Kust. aut ὡς Σωπίολις, aut: Σωσιπέλιος legendum suadet. Debebat certe Σωσιπέλιος. Hac opportunitate invitatus moneo, ne quis Sopolin comicis graecis accenseat e Grammat. ap. Bekk. Anecd. Gr. III. p. 1192. Σώπολις τοῦ Σωπέλιος, ἵστί δι' ὄνομα κυρικοῦ. Corrigendum Εὐπόλις τοῦ Εὐπέλιος.

ad cuius caput Enpolidis fabulam, 'Τβριστοδίκαι inscriptam, post mortem hominis repertam esse scribit Ptolemaeus Heph. apud Photium Bibl. CXC. p. 554. d. τοὺς 'Τβριστοδίκας Εὐπόλιδος πρὸς τῇ 'Εφιάλτου κεφαλῇ εὐρεθῆναι φασι. Ubi ne celebrem illum Periclis amicum significari putemus, temporum rationes prohibent: eum enim jam Olymp. LXXIX, 4. vel LXXX, 1. interemtum esse, e probabili temporum computatione efficitur. Itaque aut orator Ephialtes intelligendus est, de quo cf. Ruhnk. ad Rutil. Lup. p. 35., aut noster Eupolideus.

De poetica Eupolidis facultate fabularumque, quas scripsit, ingenio ita iudicat Platon. de divers. char. p. XXVI. ut in argumentorum tractatione eum ingeniosissimum fuisse dicat: εὐφάνταστός ἐστιν εἰς ὑπερβολὴν κατὰ τὰς ὑποθέσεις. Quibus deinceps haec addit: καὶ ἦν περ ἐν τῇ παραβάσει φαντασίαν κινῶσιν οἱ λαιποί, ταύτην ἐκεῖνος ἐν τοῖς δαράμασιν, ἀναγαγεῖν ἱκανὸς ὢν ἐξ ἁδου νομοθετῶν πρόσωπα. Ubi φαντασίαν intellige quam Cioero de Orat. III, 52. rerum quasi gerantur sub adspectum quasi subjectionem appellat. Cf. Longinus Subl. XV. p. 58. Similiter Quint. Instit. Orat. VI, 2, 29. quas φαντασίας Graeci vocant, nos sane visiones appellamus: per quas imagines rerum absentium ita repraesentantur animo, ut eas cernere oculis ac praesentes habere videamus. Itaque sensus verborum Platonii hic esse videtur: quas reliqui poetae visiones vel absentium rerum imagines in parabisibus excitare soleant, eas Eupolin in ipsa actione spectatorum oculis subijcere, ut qui mortuos ex inferis excitatos in scenam producat et de rebus ad civitatis administrationem pertinentibus consilia conferre faciat. Quae ad Δήμους fabulam spectare infra docebimus. Neque vero hoc Platonii iudicium in eam partem intelligi debet, ut nullis Eupolin parabisibus usum fuisse statuamus, quod falsissimum esse e fragmentis intelligitur, in quibus haudquaquam obscura parabisium indicia reperiuntur. Ceterum illa mortuorum ab inferis excitatio non potuit quin sublimitatem quandam Eupolidis fabulis impertiret, sed eam sublimitatem, quae venustatis et elegantiae illecebris mirifice esset temperata. Platonius enim, ὥσπερ ἐστὶν ὑψηλός, inquit, οὕτω καὶ ἐπίχαρις καὶ περὶ τὰ σκέμματα εὐστοχος, qua quidem

elegantiae laude ipsi adeo Aristophani palmam eum praeripuisse deinceps addit grammaticus. Ab eadem virtute commendat Eupolin Macrobius Sat. VII, 5. Quod autem *περὶ τὰ σκέμματα εὐστοχος* fuisse dicitur, id quamquam haud inepte ad aptam et concinnam argumentorum dispositionem trahi posse videtur, collato Schol. Aristoph. Nub. 542. ubi habemus *κωμῳδίαν εὖ δρεσκεμμένην*, non dubitamus tamen, quin Platonius *περὶ τὰ σκώμματα* scriptum reliquerit, ut in dicteriis et conviciis jaciendis concinnus et ingeniosus fuisse dicatur. Idem tamen ab Anonymo de Comoedia p. XXIX. Cratini exemplo immodicus in conviciis et ineptus fuisse perhibetur, *πολύ γε λίσσασθαι καὶ σκαῖν ἐμφαίνει*, quorum prius indicat etiam Persius Sat. 1, 124. iratum Eupolin dicens, et Lucianus Iove Acc. T. II. p. 832. Wetst. qui Eupolin et Aristophanem vocat *δεινὸν ἄνδρα ἐπικερτομήσαι τὰ σεμνὰ καὶ χλευάσαι τὰ καλῶς ἔχοντα*, quae maxime ad Socratis irrisiōnem spectare puto, cujus indicia sunt apud Lucian. Pisc. I. p. 595. Etymol. M. p. 18, 10. cfr. Curas crit. in Athen. p. 61. Denique *τὰ σκαῖν*, quod Anonymus eum Cratini exemplo ostendisse dicit, spectat ni fallimur ad ea, quae refert Schol. ad Arist. Nub. 296. ubi Eupolin et Cratinum *χέζοντάς τε καὶ ἕτερα αἰσχροῦ ποιοῦντας* in comoediis suis induxisse dicit, et ad Pac. 741, ubi ridet poeta alios comicos, qui *ἐακοφοροῦντας* in fabulis induxerint: *αἰνίττεται δὲ καὶ εἰς Εὐπολιν*. Cfr. Schol. Nub. 541.

Histrione usus est Demonstrato, teste Athen. V. p. 216. d., certe in Autolyco fabula: quem eundem esse suspicor, cujus *Δημοποίητον* laudat Suidas s. v. *χάραξ*. *Δημόστρατος Δημοποίητω*

οἱ μὲν προσέφερον τὸν χάρακα πρὸς τὴν ἄκρην.

Ut Cratetis aliorumque exemplo, cum primum aliorum fabulas docuisset, postea ipse comicam artem exercuerit. Aristophanem quoque Eupolidis histrionem fuisse, unus omnium narravit Kannegieserus in libro de Comoedia Att. p. 427. Nam in Scholiis Arist. Equi. 528. 559, ad quae ablegat lectorem, nihil ejusmodi reperias. Omnino falsissima sunt, quae vir ingeniosissimus de Aristophane et Eupolide narrat, quorum hunc Aristophanis doctorem et magistrum, cui omnia sua debeat, fuisse fabulatur

p. 433. 436. 458. Quae e literarum monumentis effici possunt eo redeunt, ut, qui mos fuit comicorum graecorum, alterum alterius versibus tanquam suis usum esse statuamus. Eupolin in Marica imitatum esse Equites, ipse testis est Aristoph. Nub. 549. Contra Aristophanem in Equitibus Eupolidis opera usum esse, tum hic ipse in Baptis retulit ap. Schol. Nub. l. l. et Equit. 1288, tum Cratinus testatus est ap. Schol. ad Equ. 528. ubi Aristophanem perstringit *ὡς τὰ Εὐπόλιδος λέγονται*. Cujus rei quam causam comminiscitur Kannegieserus l. c. p. 428. ea nulla est, cum ipse Eupolis passim Cleonem riserit; neque profecto is erat Eupolis, ut quemquam extimescendum sibi putaret; quo accedit quod ipsi illi versus, quos Aristophanes Equ. 1238 sqq. ab Eupolide sumpsisse dicitur, nihil in Cleonem dictum continent. Etiam in Vespas nonnihil Aristophanem ex Eupolidis *Χρυσῷ γέγει* derivasse, e Schol. ad 1318. (1269.) intelligitur, ubi paeonicis numeris scribendum est *ὦ κατάλαβέ' ὦ κιθαριστοῖτατε*. Hanc enim Eupolidis fabulam ante Vespas commissam esse infra docebitur. Porro Eupolin tangit Aristoph. Pac. 762. ubi Schol. *αἰνίσσεται δὲ εἰς Εὐπόλιν καὶ τοὺς περὶ αὐτὸν ὡς παιδῶν ἐρῶντας καὶ παλαιστῶν περιερχομένους*, quod ipsum in Aristophanem jecerat Eupolis in Autolyco ap. Schol. Vesp. 1020. qua in fabula etiam illud ei crimini dederat, quod Pacis statuam in Aegina insula positam evertisset. V. Schol. Platon. Ms. apud Seidlerum Arist. fragm. p. 25. Denique ad similitudinem hanc utrisque intercedentem spectare videntur elegantissimi versus Eupolidis apud Stobacum Serm. IV. p. 53. in quibus conqueritur poeta, quod peregrinis tantum poetis aures praebeant Athenienses:

ἦν δέ τις τῶν ἐνθάδ' αὐτοῦ μηδενὸς χεῖρον φρονῶν
ἐπιτίθεται τῇ ποιήσει, πάντα δοκεῖ κακῶς φρονεῖν,

et quae sequuntur, quibus praeter alios etiam Aristophanem, genere Rhodium, tangi, haud temere opinor affirmamus.

Fabulas Eupolin scripsisse quatuordecim dicit Anon. de Com. p. XXIX. Rectius Suidas septendecim fabularum eum auctorem perlibet, quibus addenda fortasse decima octava *Νουμηνίαι* inscripta, quam ab uno Aristophanis scholiasta in Argum. Acharnensium commemoratam recte Elmslejus ad

Eurip. Med. p. 71. e solis Didascaliis innotuisse monuit. Fabularum tamen tituli commemorantur aliquanto plures, quamquam in his etiam haud pauci, qui nonnihil dubitationis moveant. Ac Δραπέτας ab Etym. M. p. 174. 50. laudatam removit jam Gaisfordius ad Hesiod. p. 112. ad codicis ductum verissime refingens: Εὐπολις Ἀνδρογύναις. Neque rectius Πρῶδαμος tanquam fabulae titulus receptus est e Quintil. Inst. Orat. I, 10, 17. Eupolis, apud quem Prodamus et musicam et literas docet, quae ad Αἶγας spectare docet Theodosius p. 11. sive apud Bekkerum Anecd. III. p. 1168. τοὺς αὐτοὺς εἶναι διδασκάλους καὶ μουσικῆς καὶ γραμματικῆς, ὡς ὁ Εὐπολις εἰσάγει ἐν Αἰζί. Porro Πύλαι apud Schol. Arist. Av. 1297. Εὐπολις ἐν Πύλαις, ubi valde probabilis est Fabricii conjectura Πόλεσι pro Πύλαις reponentis. Στεφανοπάλιδας apud Athen. IX. p. 384. c. recte Eubulo vindicasse videtur Casaubonus. Σφίγγες uno Suidae loco nituntur s. v. νεανισκεύεται. Legendum, ni fallor, Εὐπολις Αἰζίν. His igitur remotis, viginti supersunt fabulae, quas deinceps enumerabimus. Αἶγες, notissima fabula, in qua praeter alios Hipponicum ridet apud Hesychium s. v. ἱερεὺς Διονύσου, unde de tempore, quo acta fuerit, conjectura fieri potest, siquidem Hipponicus Olymp. LXXXIX, 1. obiit. Eandem fabulam fortasse commemorat Stephan. Byz. v. ἄντρον p. 89. εὐρεται καὶ ἀντραῖος ὡς Εὐριπίδης Αἰζίν, ubi legendum esse puto Εὐπολις. Similiter apud Marium Vict. p. 2527. Euripidis nomen pro Eupolide reponendum est; cf. Gaisford. Hephaest. p. 515. Ἀστράτευτοι ἢ Ἀνδρογύναις pleno titulo ab uno Suida laudatur s. v. Εὐπολις, reliquis eam simpliciter Ἀστράτευτοι vocantibus; semel Etymol. M. Ἀνδρογύναι. De argumento fabulae dixit Arnaldus ad Hephaest. p. 99. Ipsi alias plura dabimus. Sequitur Αὐτόλυκος, in qua fabula non illum Mercurii natum, ut T. Hemsterh. ad Polluc. X, 161. putabat, sed Lyconis, qui Socratis accusator fuit (Maxim. Tyr. IX, 5), et Rhodiae filium (Schol. Arist. Lysistr. 270.) perstrinxit, puerum corporis venustate praestantem, Xenoph. Conv. I, 9. et Athen. V. p. 188. a., Calliae, Hipponici filii, amores et delicias, Maxim. Tyr. XXVI, 8. eamque ob causam, opinor, tanquam muliebria passum ab Eupolide traductum, cujus rei tenuae quidem sed idoneum tamen indicium habemus apud

Etymol. M. p. 599, 17. *Εὐτέρησιος, παρὰ τὸ τετρεῖσθαι τὸν Αὐτόλυκον ὁ Εὐ-
πολις σκώπτει. Εὐτέρησις πέλις Ἀρκαδική.* Is quum in magnis Panathenaeis
quinquertii victoriam consequutus esset, Callias in honorem dilecti pueri
lautum et opipare convivium apparavit, quod descripsisse constat Xeno-
phontem. Quo anno fabulam hanc docuerit Eupolis ex Athenaeo perspi-
citur Lib. V. p. 216. e. *ἐπὶ τούτου (Aristionem archontem dicenti) Εὐπόλις
τὸν Αὐτόλυκον διδάξας διὰ Δημοστράτου χλευάζει τὴν νίκην τοῦ Αὐτολύκου,* h. e.
Olymp. LXXXIX, 4. eodem igitur anno, quo Autolycus pancratii victor
evaserat. Sed hic gravis oboritur dubitatio. Nam quum magna Pana-
thenaea vigesimo quoque Scirrophorionis die quarti anni cuiusque Olym-
piadis celebrata fuerint, Boeckh. de Tragicis graec. p. 205., qui tandem
fieri potuit, ut Eupolis in hac fabula, sive eam Lenaeis sive urbanis Li-
beralibus actam statuas, Autolycci victoriam commemoraret, aliquot de-
mum post mensibus reportandam? At bene sit antiquis Grammaticis, qui
duas Autolycci editiones fuisse diserto testimonio tradiderunt, Schol. Arist.
Nub. 110. Pollux VII, 202. Quae quum ita sint, dubitari non potest,
quin Autolycci victoriam non in prima sed in secunda fabulae recensione
irriserit. Prima igitur fabulae commissio fuit Olymp. LXXXIX, 4. falli-
turque adeo Scholiastes, qui Aristophanem Vesp. 1020. ad Eupolidis Au-
tolycum respexisse dicat, cum Vespae jam Olymp. LXXXIX, 2. actae fue-
rint. Altera dramatis actio cui anno assignanda sit, certo definiri non
potest; licebit tamen conjecturam periclitari. Nam cum in versu ejus
fabulae in Schol. Victor. ap. Heynium ad Iliad. VI. p. 646. Aristarchi
mentio injiciatur, ἥδη γὰρ Ἀρίσταρχον στρατηγεῦντι ἄχθομαι, Aristarchus au-
tem imperatoris munere functus sit Olymp. XCII, 1. Thucyd. VIII, 98.
et Xenoph. Hell. II, 3, 40, probabile est hunc versum ex altera Autolyco,
quae eodem anno in scenam prodierit, petatum esse. Ex ceteris fabulae
fragmentis nihil ad ejus argumentum elicias. Sequuntur Βάπται, de qua
fabula paullo uberius disputabimus. De ea memorabilis Platonii locus
est de Com. p. XXXIII. Lips. *ἴσμεν γοῦν τὸν Εὐπολιν ἐπὶ τῷ διδάξαι τοὺς
Βάπτας ἀποπνιγέντας εἰς τὴν θάλασσαν ὑπὲρ ἐκείνων εἰς οὓς καθῆκε τὸ δρᾶμα.*
Qui fuerint ii, in quos hanc fabulam scripsit poeta, praeter Ciceronem

Epist. ad Att. VI, 1. docent Themistius Orat. VIII. p. 110. B. Ἀλκιβιάδης — καὶ ταῦτα στατηγὸς ὧν αἰρετὸς οὐχ οὕτως ἀπεμνημόνευσεν Εὐπόλιδι — τοὺς Βάπτας, et Schol. Iuven. II, 92. Baptae ergo molles, quo titulo Eupolis comoediam scripsit, ob quam ab Alcibiade, quem inprimis perstrinxerat, necatus est. Quae postrema paullulum immutata et insigni additamento aucta Georgius Valla ita exhibet: ob quam Alcibiades — necuit ipsum in mare praecipitando, dicens, ut tu me in theatris madefecisti, nunc ego te in mari madefaciam. Quae Vallam ex integriore Scholiasta hausisse, probabilis est conjectura Buttmanni de Sacris Cotytis p. 7. quamquam nihil impedit, quominus ea Vallam ex Scholiasta MS. Aristidis duxisse statuamus, cujus hunc locum e Codice protulit Creuzerus ad Plotinum de Pulcr. p. 465. κωμωδηθεὶς (Alcibiades) παρὰ Εὐπόλιδος ἐρέειπεν αὐτὸν ἐν τῇ θαλάττῃ — εἰπὼν*

Βάπτες μ' ἐν θυμέλῃσιν, ἐγὼ δέ σε κύμασι πόντου

βαπτίζων ὀλέσω νάμασι πικροτέροις.

Sic enim legendum pro βάπτε με ἐν θ. Certum igitur est traduxisse hac in fabula Eupolin maxime Alcibiadem. Quod qua ratione fecerit si quaerimus, respondet nobis Schol. Iuvenalis: Baptae titulus libri (h. e. comoediae, ut apud Quintil. Lib. I, 10, 18. ubi dubitat Spaldingius), quo impudici describuntur ab Eupolide, qui inducit viros Athenienses ad imitationem feminarum saltantes lassare psaltriam. Baptae ergo molles etc. Quae si quis cum ipso Iuvenalis loco, Romanorum turpem nequitiam, qui clandestinis conventibus mulierum habitu orgia peragerent, acerbissime taxantis, contenderit:

Talia secreta coluerunt orgia taeda,

Cecropiam soliti Baptae lassare Cotytto,*)

*) Lassare Cotytto Buttmannus cum aliis interpretatur frequenti prece invocare, ut Horatius! Vestam prece fatigare dixit. Fortasse rectius ad cymbalorum tympanorumque strepitum trahas, quibus Baptae illi deam suam obtundebant. Ac fortasse spectant huc loci ap. Athenaeum IV. p. 183. f. et Schol. ApolloniūRh. I. 1139. (et

intelligit profecto, Eupolin hac in fabula Alcibiadem ejusque socios ita in scenam produxisse, ut nocturnis conviviis Cotyttiorum sacrorum turpitudinem imitarentur et, accedente noctis licentia, nihil facinoris nihil flagitii praetermitterent. Cum his si Hesychii locum conjunxeris, in quo diserte Eupolin odio erga Corinthios permotum Cotytto deam in scena exhibuisse testatur, T. II. p. 351. Κοτυττὴ δὲ μὲν Εὐπολὶς κατ' ἔχθρας τὸ πρὸς τοὺς Κορινθίους φοβητικὸν τινα δαίμονα διατίθεται*), haud levis oboritur suspicio, Eupolidi praeter Alcibiadis irrisionem etiam hoc fuisse propositum, ut flagitiosam Corinthiorum, apud quos summa fuit Cotyttiorum sanctimonia, libidinem taxaret, eoque ipso Cotyttia sacra in contemptum adduceret, et ne Athenis reciperentur caveret. Prorsus enim assentior Buttmanno, nulla dum Eupolidis aetate Cotyttia ab Atheniensibus recepta fuisse statuendi. Sequitur ut quibus causis permotus Eupolis fabulam suam Baptarum nomine inscripserit doceamus, de cujus verbi interpretatione viros doctos in diversissimas partes abire videas. Ac Tib. quidem Hemsterhusium ad Aristoph. Plut. 884. Βάπτας de tinctoribus explicantem non est quod moremur. Aliter Gesnerus ad Lucian. T. III. p. 122. qui Baptas solenne Cotyttus sacerdotum nomen fuisse conjectat, in quo acquiescebat olim Lobeckius de Morte Bacchi P. II. p. 12. ipsum Alcibiadem isti Baptarum collegio adscriptum fuisse existimans. At Baptarum nomen quum ex nullo scriptore nisi ex Eupolideae fabulae elogio cognitum habeamus, certum quoddam et peculiare Baptarum collegium fuisse probari non potest, id quod, monente Struvio Observ. crit. Fasc. 15. p. 15., eam quoque ob causam non probabile est, quod Cotyttia a solis feminis pera-

IV, 144. ad quae respexit Photius: Τύμβος (leg. τύμβος), δ' ἔχουσιν οἱ ἰπιδιαιδῶσται ὡς τύμβαι. οὗτος Εὐπολὶς. Saxa voce vel strepitu fatigare eodem sensu dixit Ovidius Metam. I, 573. et Trist. V, 1, 62.

*) Similiter hoc verbo in re scenica proprio usus est Dio Chrysost. Or. XXXI. p. 631. Ἀθηναῖοι ἐν τῷ θεάτρῳ θιῶνται — ὅπ' αὐτῶν τῆς ἀκρόπολις, οὗ τὸν Διόνυσον ἐπὶ τῆς ἐρχίστρας διατίθισσι. Adde quae monuit accuratae vir doctrinae et elegantissimi ingenii Ad. Gottl. Langius Vindic. Trag. Rom. p. 25. Ceterum Eupolidis illud erga Corinthios odium non de privata aliqua similitudine intelligendum esse, vix est quod historiae peritos admoncam.

gebantur, neque igitur a viris sacerdotibus administrari potuerunt. Quamquam id e Papiæ annotatione apud Burmannum ad Anthol. T. I. p. 455, colligi vix potest. Cocitos, inquit, fuit dea Atheniensium, quam solae feminae colebant, quae psaltriam exercebant*). Quae e Scholiasta Iuvenalis ipsisque Iuvenalis versibus imperite compilata esse, recte monuit Buttmannus l. o. p. 5. Denique Struvius ipse Baptarum nomine Athenis viros insignitos fuisse statuit, qui nefanda libidine correpti secreta illa feminarum orgia Cotyttia imitarentur. Quae interpretatio quum ipsius nominis nullam rationem reddat, non video quid restet, nisi ut Eupolin, cum Cotyttiorum sacrorum obscenam foeditatem et Alcibiadis effrenatam libidinem irridere vellet, rem ita instituisse existimemus, ut quosdam quasi antistites Cotyttiorum sacrorum fingeret, qui mulierum habitu induti inter varias ceremonias, quibus ridicule Cotyttia imitarentur, etiam sacris uterentur lotionibus, iisque ipsum Alcibiadem lustrarent lustratumque solenni ritu initiarent, et peracta initiorum ceremonia omni nequitiae genere se inquinarent. Itaque recte quodammodo Scholiasta Iuvenalis Baptas Eupolidis molles h. e. παθικούς appellat, suntque iidem plane quos semiviros vocat Synesius. V. Angeli Polit. Misc. X. p. 547. Cfr. Coelius Aurel. IV, 9. molles sive subactos Graeci μαλθακούς (quo nomine Cratinus fabulam inscripsit) appellaverunt. Hinc etiam Lucianus Adv. Indoct. III. p. 122. ἀνέγνως τοὺς Βάπτας; τὸ δρεῖμα ὄλον; εἴτ' οὐδέν σου κακέϊ καθίκετο, οὐδ' ἡρυθρίασας γνωρίσας αὐτά; Deam ipsam, quo magis Cotyttiorum sacrorum religionem in contemptum adduceret poeta, meretricis habitu in scenam fuisse introductam, haud inepte ex Scholiastae ad Iuvenalem annotatione conjicias: inducit viros lassare psaltriam, quae nescio an non recte Buttmannus e Scholiastae errore fluxisse statuat. Ad ridiculas istas ceremonias fortasse etiam obtestationes illae spectant, quas passim veteres e Baptis afferunt, veluti *ναὶ καὶ τὰς κράμβας* apud Priscian. de metr. p. 415. et Athen. p. 570. b. *ναὶ*

*) Pro Cocitos Scaliger corrigit Cotyttb; sed praestat suum homini imperito errorem relinquere, in cujus societatem veniunt etiam Scholiastae Horatii Epod. XVII, 56.

μὰ τὴν ἀμυγδαλὴν apud Herodianum π. μονήρους λέξ. p. 6. denique αἰβοῖ
 et σαβαῖ ap. Io. Alexandr. de acc. p. 36, 16. Lotionibus si usos fuisse
 Baptas ponimus, jam etiam argutior epigrammatis Alcibiadi tributis sensus
 apparebit, in quo marini fluctus, quibus se Eupolin immersurum minatur
 Alcibiades, opponuntur iis, quos ipse in fabula Eupolide subierat. Neque
 omnino ejusmodi supplicium de Eupolide sumptum fingi potuisset, nisi
 peractae in fabula ceremoniae talis figmenti ansam praebuissent. Cf. Butt-
 mann I. I. p. 6. qui ut de Baptis similem fere explicationem exhibuit,
 ita reliquum fabulae argumentum paullo aliter adumbravit. Neque enim
 Cotytia sacra ab Eupolide exhibita fuisse statuit, sed nocturnas illas Al-
 cibiadis ejusque sociorum commissationes, in quibus illi Eleusinia sacra
 scurrilem in modum ita imitabantur, ut Theodorus quidam praeconis,
 Polytio daduchi, Alcibiades hierophantae, ceteri denique socii mystarum
 partibus fungerentur. Vide praeter Plutarchi Alcibiadem a Buttmano
 laudatum ejusdem Sympos. p. 621. c. Quorum hominum impietati quo
 majorem conciliaret invidiam, Eupolin deam illorum orgiorum praesidem
 Cotytus nomine appellasse atque Eleusinae Cereri opposuisse. Die Göt-
 tin, inquit, welche solchen Mysterien vorstand nannte der
 Komiker, zum Gegensatz gegen die attische Demeter, Co-
 tytto. Quae quanquam ingeniosa est conjectura, multum tamen vereor
 ut accuratius pensitata probari queat. Nam si impietatem Alcibiadis per-
 stringere voluisset Eupolis, quis non multo aptius poetam facturum fuisse
 videat, si rem suo nomine appellasset, neque quasi per vela ex longinquo
 ostendisset. Ipsa mysteria totamque earum rationem et ceremonias in
 istis conventibus ab Alcibiade ejusque sociis scurrili imitatione expressas
 fuisse diserte testatur Andocides Orat. de Myst. p. 88. Bekk. Itaque vix
 aliquam vim habiturum fuisse crediderim, si Cotytto Cereri substituisset
 eoque criminis invidiam praeter consilium suum imminuisset et quasi
 obfuscasset. Sed aliud etiam est, quod Buttmanni opinionem minus pro-
 babilem efficiat. Scilicet expressis veterum constat testimoniis, istam
 mysteriorum violationem in ipsum illud tempus incidere, quo Athenien-
 sium in Siciliam expeditio [parabatur, id est Olymp. XCI, 1. mensibus

Munychione et Thargelione. Cujus impietatis rumorem jam ante ipsam reorum delationem, quae sequentis demum mensis initio Hermarum mutilationem sequuta est, Thucyd. VI, 27. Diod. Sic. XIII, 2., plane nullum inter cives percipuisse, nemo non concedat necesse est, qui attento animo legerit Thucyd. l. l. Andocid. Orat. de Myst. p. 83. Bekk. Plutarch. Alcib. 19. cll. Aristide Orat. T. II. p. 54, 13. Neque dubium est, si vel levissimam ejus rei suspicionem populus Atheniensis habuisset, quin obtrectatores Alcibiadis violatae religionis litem in recenti facto ei intenturi nec quidquam intentatum relicturi fuissent, quo minus praetor exercitus in Siciliam mittendi crearetur, quod jam Munychione mense factum esse e Thucydide constat Lib. VI, 8. cf. Dodwelli Annal. p. 689. Lips poterantque profecto Alcibiadis inimici tanto certius quem vellent accusationis contra Alcibiadem motae eventum expectare, quo majorem esse scirent religiosissimi populi superstitionem et in ulciscendis divinarum rerum violatoribus iracundiam. Ex his liquido mihi constare videtur, ejusdem anni Dionysiis fabulam, in qua Alcibiadis mysteriorum profanatio sive aperte sive occulte taxaretur, exhiberi nullo modo potuisse. Itaque sequentis anni Dionysiis hoc factum ab Eupolide dices, praesertim quum sequentis demum anni initio, absente Alcibiade, in ejus causam inquisitum fuisse constet. Atqui id jam primis secundi Olymp. XCI. anni mensibus factum esse, docet narratio Thucyd. VI, 50 — 54. cll. Diod. Sic. XIII, 5. Damnato autem jam Alcibiade et per populi decretum exilii poena multato, Eupolidis fabulam committi non potuisse, quis est qui non intelligat? Omnino parum credibile est, Eupolidem Baptas absente Alcibiade docuisse, quod si vere factum est, probabiliter explicari mihi velim, qui rumor ille de Eupolide propter Baptas per Alcibiadem necato oriri potuerit. Quam ob rem una tantum restat solennitas, qua temporum rationibus accommodate impietas Alcibiadis perstringi potuit, Panathenaea mense Scirophorione celebrata, quorum festivitatem fabularum commissionibus celebratam fuisse, fuerunt qui e Diogene Laert. III, 56. colligerent. Sed de hoc quidem loco abunde jam dixit Boeckhius de Trag. Graeco. p. 207. sqq. et de Spectac. Dionys. p. 98. sq. Itaque nihil relin-

qui video, nisi ut Eupolidis fabulam Olymp. XCI, 1. ludis Liberalibus urbanis, tribus ante Siculam expeditionem mensibus, actam esse, ejusque argumentum non in mysteriorum violatione, sed in Cotyttiorum sacrorum et Alcibiadis ejusque sociorum irrisione positum fuisse statuamus.

Non multo minorem celebritatem adepta est fabula *Δήμων* nomine inscripta, cujus argumentum quale fuerit e fragmentis quodammodo cognosci poterit. Nam mortuo Pericle Ol. LXXXVII, 4. cum pessimorum hominum consiliis civitatem misere afflictam videret poeta, cfr. Valcken. Diatr. p. 255., nobiles illos, quorum olim ductu felicissime civitas floruerat, publicarum rerum antistites et propugnatores Solonem, Miltiadem, Aristidem et Periclem ex inferis excitatos in scenam produxit, eosque de rebus ad rei publicae administrationem spectantibus interrogatos respondentesque exhibuit. Schol. Aristidis MS. apud Valcken. Diatr. p. 252. *Εὐπολις ἐποίησεν ἀναστάντα τὸν Μιλτιάδην καὶ Ἀριστείδην καὶ Γέλωνα καὶ Περικλέα*, ubi pro Gelone Valckenarius Solonem, Elmslejus ad Eurip. Med. 389. Cimonem reposuit. Recte Valckenarius. Nam Aristides Orat. Plat. II. T. III. p. 574. c. (ed. Cant. a. 1604.) *τῶν κωμικῶν τις*, inquit, *ἐποίησε τέτταρας τῶν περὶ ταῦτα ἀνεστῶτας, ἐν οἷς δύο τούτων ἐνεῖσιν* i. e. eorum, pro quibus tota ista Aristidis oratio contra Platonis criminationes in *Gorgia* §. 151. p. 515. d. (cfr. Plutarch. Arist. 25.) dicta est, Miltiadis, Themistoclis, Cimonis et Periclis. Quo accedit Platonii, qui ad hanc ipsam fabulam respexit, auctoritas in scripto de Comoedia p. XXVII. ubi de Eupolide, haec verba posuit: *ἀναγαγεῖν ἰκανὸς ὦν ἐξ ἄδου νομοθετῶν πρόσωπα καὶ δι' αὐτῶν εἰσηγούμενος ἢ περὶ θέσεως νόμων ἢ καταλύσεως*, vix ille legislatores ab Eupolide excitatos fuisse dicturus, nisi Solonem etiam in iis a poeta commemoratum esse meminisset. Ad eandem fabulam respexit etiam Aphthonius Prog. p. 37. Cam. *εἰδωλοποιία ἢ πρόσωπον μὲν ἔχουσα γνώριμον, τεθνεὺς δὲ καὶ τοῦ λέγειν παυσάμενον, ὡς ἐν Δήμοις Εὐπολις ἐπλάσει*: quod Eupolin Cratini exemplo fecisse, qui et ipse Solonem ex inferis excitaverat, docet locus apud Diog. Laert. Lib. I, 62. Periclis ex Oroo adscensum iterum tetigit Aristides T. III. p. 435. B. *οὐδεὶς ἦν ὅστις οὐκ ἂν εὖξατο ἀναστῆναι* (Periclem), *ὥστε καὶ τοῖς δράμασιν ὡς ἀνεστῶτα ἐρῶντες εὐφραίνοντο*,

et Valerius Max. VII, 2. ext. 7. Aristophanis quoque — — praeceptum, qui in Comoedia introduxit remissum ab inferis Atheniensem Periclem vaticinantem, non oportere in urbe nutriri leonem. Qui respexit quidem ad Ranas Aristophanis, sed remissum ex inferis Periclem dicens Eupolidis fabulam cum Aristophanis Ranis confudit, quae res fugit Lobeckium de Mysteriis in Friedemanni et Seebodii Miscell. critic. II, 2. p. 263. Similis fortasse error in argumento Sophoclis Oedipi Col. p. 5. Elmsl. Ἀριστοφάνης ἐν τοῖς βασιλεύχοις ἐπὶ Καλλίου ἀνάγει τοὺς στρατηγούς ὑπὲρ γῆς, cuiusmodi nihil in Ranis legitur. Sed de Pericle, cuius etiam eloquentiam hac in fabula praeclaris laudibus ornavit, v. Leopardus Emend. V, 14. XVI, 14. et Wyttenbachius ad Plutarch. S. N. V. p. 7. quorum notatis adde Aristid. T. III. p. 215. c. et Olympiod. ad Alcib. p. 29. Cr., de Periclis igitur hac in fabula partibus unus omnium maxime insignis est Plutarchi locus Pericl. 5. et 24. ex quo etiam Myronidem, celebrem illum proelii apud Oenophyta commissi victorem, in scena adfuisse discimus, ad Periclis interrogationem de filio, quem ex Aspasia susceperat, respondentem; ad quem fabulae locum respexere etiam Schol. Platon. p. 159. et Harpocr. p. 79. Ex Miltiadis oratione, monente etiam Elmslejo ad Eurip. Med. 539. servavit aliquot versus Longin. de Subl. 16, 3.

Οὐ γὰρ, μὰ τὴν Μαργαθῶνι τὴν ἐμὴν μάχην,
χαίρων τις αὐτῶν τοῦμὸν ἀλγυνεῖ νέεα.

Neque ad aliam fabulam hos ego versus retulerim a Stobaeo Serm. XLII. p. 62. allatos:

καὶ μὴν ἐγὼ πολλῶν παρόντων οὐκ ἔχω τί λέξω
οὕτω σφόδρ' ἀλγῶ τὴν πολιτείαν ἐρῶν παρ' ὑμῖν.

Vide cetera, in quibus gravissime de funesta reipublicae conditione conqueritur, cuius rei culpa maxime in exercitus duces transfertur, quorum pravitatem et nequitiam exagitat etiam in loco apud Schol. Aristidis I. I.

μειράκια κινούμενα

ἐν τοῖς σφυροῖς ἔλκοντα τὴν στρατηγίαν,

et apud Harpocr. s. v. μειαγωγός p. 240. Nec dubitandum, quin de ali-

quo eorum hos versus ab eodem Harpocr. s. v. καθάρσια p. 264. servatos poeta posuerit:

ὃν χεῖν ἔν τε ταῖς τριόδοις κὰν τοῖς ὀξύθυμοις
προστέροπαιον τῆς πόλεως καίεσθαι τετραγύτα.

Ita enim haec emendavit Porsonus Adv. p. 253. Iudidem haec ducta suspicor apud Villos. Anecd. II. p. 88. καὶ λέγουσι γε τὰ μειράκια προϊστάμενα τοῖς ἀνδράσιν, quae omisso fabulae titulo afferuntur. Neque jam ambiguum est, quo sensu dicta fuerint verba μὴ παιδὶ τὰ κινὰ, apud Photium et Suidam servata. Cujusmodi παῖδες τοῖς κρινῶσι ἐπιθέμενοι fuere Hippocratis filii, Telesippus et Demophon, acerbissime taxati in fragm. apud Suidam T. III. p. 514. Schol. Arist. Nub. 999., et Demonstratus Βουζύγης cognomine dictus, Aristid. T. III. p. 215. c. et Schol. Aristoph. Lys. 598. Salsissimo dicterio perstringuntur imperatores, Laespodias et Damasias in versibus apud Schol. Arist. Av. 1568.

ταδὶ τὰ δένδρα Λαισποδίας καὶ Δαμμασίας
αὐταῖσι ταῖς κνήμασιν ἀκολουθοῦσί μοι,

ad quae respicit Eunapius Liban. p. 99. ubi vide Boissonadum, cl. Plutarch. Symp. VII, 8. p. 712. A.

Ex ea fabulae parte, in qua emendandae reipublicae et melioribus legibus regundae consilia inita esse videntur, non inepte, ut equidem opinor, hunc versum petitem esse suspiceris:

Ἀναβλυστανῆσαι καὶ χλοῆσαι τὴν πόλιν,

Quem non addito fabulae indicio servavit Etym. M. p. 200, 50. At Suidas s. v. ἀναβλυστανῆσαι, τὸ ἀναβλύσαι. Εὐπολὶς Δήμοις. Cfr. Eustath. ad Iliad. ε. p. 1095. Rom. Denique in fine fabulae, heroum umbris ad inferos redeuntibus, hosce versus locum habuisse conjicias:

Ἀναθῶμεν νῦν χήμεῖς τούτοις τασδὶ τὰς εἰρεσιώνας
καὶ προσαγῆλωμεν ἐπελθόντες — χαίρετε πάντες. — δεχόμεσθα.

Quae servavit Suidas s. v. ἀγῆλαι et Lex. Seguer. I. p. 328. emendante Porsono apud Gaisf. ad Heph. p. 278. De tempore, quo acta sit fabula, nihil habeo, quod pro certo afferam. At cum Demonstratus, quem hac fabula perstrinxisse Eupolin vidimus, unus omnium maxime Siculam expe-

ditionem, funestissimorum malorum caussam, commendaverit, Aristoph. Lysistr. 593. Plut. Nic. 12. Alcib. 18. eoque ipso Eupolidis omniumque prudentium et patriae amantium virorum odium excitasse videatur, haud inani, opinor, conjectura quartum annum Olymp. XCI. fabulae commisioni adsignabimus. Quam suspicionem etiam Laespodiae commemoratio confirmare videtur, quem Olymp. XCI, 3. imperatorio munere functum esse, e Thucydide VII, 105. intelligitur.

Quae deinceps sequuntur fabulae Δαιτῶν, Διᾶς, Ἐλωτες, Κλοπαί et Λάκωνες, earum paucissima fragmenta servata sunt. Δαιτῶν laudatur ab uno Polluce VII, 163. ubi Anaxila, mediae poeta comoediae, commemorato, ita pergit: τῶν δὲ ἔτι νεωτέρων τις Εὐπολὶς καὶ τὴν Πύelon — μάκτραν ὠνόμασεν ὡς οἱ νῦν, λέγει γοῦν ἐν Δαιτῶντι

εἰς βαλανεῖον — — ο — ο —

εἰσελθὼν μὴ ζηλοτυπήσης τὸν συμβαίνοντά σοι

εἰς τὴν μάκτραν.

Sic enim legendum. In his verba τῶν δὲ ἔτι νεωτέρων τις Fabricium adeo deceperunt, ut Δαιτῶντα juniori Eupolidi, qui nullus unquam fuit, tribuerit. Recte haec verba desunt in MS. inserta post Eupolidis nomen particula δέ. Διᾶς fabula eidem debetur Polluci IX, 27. Εὐπολὶς ἐν τῇ Διάδι, ubi Iungerm. Διάδι, Kuhniius Δηλιάσι. Neutrum probabiliter. Ἐλωτας laudant Athen. IV. p. 138. e. Pollux IX, 74. X, 98. Κλοπαῖς et Λάκωνας Erotianus s. v. ἡδύσμασι p. 172. et s. v. μυττωτός p. 246.

Multo frequentior apud veteres scriptores ejus fabulae mentio injicitur, quam Κολάκων nomine inscripsit, cujus argumentum cum in Callia maxime, Hipponici filio, exagitando versatum sit, primum de hujus vita moribusque paullo accuratius exponendum videtur*). Callias igitur noster Eupolideus, Melitensium δῆμῳ adscriptus, Schol. Luciani Iove Trag. T. II.

*) De nobili Hipponicorum familia egerunt Palmerius, Io. Fr. Gronovius alique, quos vide apud Sluiterum Lect. Andoc. p. 95. Boeckhium Oecon. Att. II. p. 15. et Dahlmannum Quaest. historic. T. I. p. 11. De nostro Callia complura veterum auctorum loca cumulare Sluiterus l. l. p. 94. et Heindorfius ad Platonis Prot. 5. p. 465. sed explicitius qui ejus historiam tractaverit, novi neminem.

p. 696. cll. Schol. Arist. Ran. 504., patrem habuit Hipponicum, cujus tantae fuerunt opes, ut, quum eas in privatis aedibus, quarum magnificentiam praedicat Himerius Or. XVIII, 5., satis tuto asservari posse desperaret, veniam in acropoli habitandi sibi concedi voluerit, Heraclid. Pont. ap. Athen. XII. p. 575. b. Apostol. XI, 74. p. 159. Huius uxor postea Pericli (Plut. Per. 24.), filia autem Hipparete Alcibiadi nupsit, quod factum esse Olymp. XCI. docuit Dodwellus Annal. ad Thucyd. VI, 50.: ex quo intelligitur non Hipponicum, ut nonnulli voluerunt, sed, mortuo Hipponico, Calliam Alcibiadi sororem in matrimonium dedisse, Plutarch. Alcib. 8. Post Periclis obitum Hipponicus una cum Eurymedonte capitali proelio Tanagraeos fudit, testibus Thucyd. III, 91. et Athen. p. 213. e., quod factum est Olymp. LXXXVIII, 2. Idem Olymp. LXXXIX, 1. proelio ad Delium interfuit, in quo eum occubuisse tradit Andocides. V. Schneideri Quaest. de Xenoph. Conv. p. 156. Ita igitur immensae patris divitiae hereditario jure Calliae nostro obtigere, qui proximis post aditam hereditatem temporibus omnium Atheniensium opulentissimus fuisse perhibetur, adeo quidem, ut Calliae opes vel in proverbii consuetudinem abirent. Cf. Libanius Orat. X. p. 295. B. Plutarch. de Am. divit. p. 527. B. *) Sed Callias, quum secus ac pater fecerat, cujus *σφερότην* laudat Andocides de Myst. p. 121. Bekk. **), omni voluptatum generi liberrime indulgeret, acceptas hereditate divitias tam strenue dilapidavit, ut suo merito inter *ἀσώτους* numeretur ab Athen. IV. p. 169. a.

*) *Ἀσκήπλουτος* dicitur Themistio Or. XXIII. p. 294. quod cognomen ceteri scriptores rectius secundo Calliae tribuunt. V. Boeckh. Oecon. Athen. II. p. 16. Alcibiadem ei, ut ipse opibus potiretur, necem intendisse narrat Andoc. c. Alcib. p. 150. Plutarch. Alcib. 8. Schol. Luciani Iove Confut. p. 638. T. II. quam rem ut anteverteret, populum opum suarum heredem scripsit, si absque liberis obisset. Quae res eventum nec habuit nec habere potuit, tum quod filium postea genuit, tum vero etiam quod opes suas jam Olymp. XCIII. 3. haud mediocriter attritas (Arist. Av. 284.) decem annis post eo usque abligurrierat, ut ab Iphicrate per ludibrium *μνηαγύτης* appellaretur. V. Boeckh. I. I. p. 17.

**) Eundem tamen *οὐδὲ βραδὺν ἄξιον* dicit Lucian. Tim. 24. et *ἱππόβιον* vocat Arist. Ran. 432. ubi vide Scholia. Rubicundum oris colorem, nimio vini usu ductum, indicat Eupolis ap. Hesychium s. v. *ἰερὺς Διονύσου*, *Εὐπολὶς Αἰξίη*, *ἱππόβιον σκαπτήν*, *ὡς ἰερὺς* τῇ ὀψίτι.

summoque jure quidam quasi ἀλιτήριος Hipponici fuisse dicatur ab Andoc. de Myst. p. 121. Bekk. Immanes hominis profusiones, maximeque insanum scortorum amorem tanguit Aristoph. Ran. 452. cum scholiis et Heraclid. Pont. ap. Athen. XII. p. 557. b., puerorum amores et adulteria Eupolis in Antolyco, Arist. Av. 284. et Cratinus apud Schol. Luciani T. II. p. 696., perjurium Andoc. de Myst. p. 119., bibacitatem Aelian. V. II. IV. 16. Denique effeminatum hominis ingenium arguit immodicus unguentorum usus, de quo cf. Xenoph. Conv. II. in. Aedes suas, quarum alteras in Melitensium δῆμον, Schol. Luciani Iov. Trag. T. II. p. 696. alteras in Piraeo omni deliciarum genere instructas habuit, Xenoph. Conv. I, 2., non scurris tantum et tibicinibus aliisque id genus hominibus, Xenoph. Conv. I, 11. II, 1. verum etiam Sophistis, in quos incredibili fuit munificentia, aperuerat, Heind. ad Platonis Theaet. p. 553., quorum hominum consuetudinem jam ante patris obitum avidissime eum expetiisse ex Aeschini Socratici dialogo Calliae nomine inscripto apud Athen. V. p. 220. b. perspicitur, qua ex re nonnihil simultatis ipsi cum patre extitisse, ibidem legimus. Mortuo autem Hipponico, quum neminem voluptatibus suis impedimento esse videret, vix dici potest, quantam adulatorum parasitarumque multitudinem in domum suam receperit, Heracl. Pont. I. I. p. 557. b. Ex eo genere fuerunt Gorgias, Prodicus, Protagoras, Antimoerus ceterique Protagorae discipuli, quibus capiendis quum aedes quamvis amplissimae non sufficerent, ἐκκενώσας τὸ ταμιεῖον τοῦ σοφισταῖς ξενῶνα κατεσκευάσατο, ut est apud Themistium Or. XXIX. p. 547. c. quae ducta sunt e Platonis Prot. p. 482. 484. Heind. Haec tot et tanta vitia nullis ille animi vel ingenii bonis compensabat. Nam quod tibiis scite cantasse dicitur a Chamaeleonte Heracl. ap. Athen. IV. p. 184. d. id valde vereor ut magnae laudi ei ducendum putaverint Athenienses. Doctissimum autem qui eum dicit Macrobius Sat. VII, 1. haud dubie ipsam illam cum Sophistis consuetudinem spectavit, ex qua non mirum est si aliquem eruditionis cultum literarumque amorem concepit. Contra stupidum bardumque (καλέμενον) eum appellare non dubitavit Aeschines Socr. ap. Athen. V. p. 220. b. Scurrile hominis ingenium et vanitatem cum pari insolentia

conjunctam optime cognoscas e Xenoph. Conv. II, 20. III, 10. IV. in. et Hellen. VI, 5, 6. ubi generis nobilitatem a Tlepolemo ducti intolerabili jactat arrogantia. Ex his qualem in domestica vita se praebuerit facile intelligitur. Matrimonio junctam sibi habuit Glauconis filiam, ex qua Hipponicum suscepit, Andoc. de Myst. p. 119. quem ut Aspasiae erudendum traderet, auctor ei fuit Socrates, teste Maximo Tyr. XXVIII, 4. Mortua uxore, Ischomachi et Chrysiadis filiam duxit, annoque interjecto eo nequitiae processit, ut socero mortuo etiam Chrysiadem duceret, adeoque simul et matrem et filiam haberet. V. Andocides l. l. Chrysiadi junctus, ex qua quem susceperat filium primo ejuravit, Epilyci filiam sibi uxorem petiit, cui rei cum Andocides intercederet, huic adeo mortem intendit. V. Sluiteri Lectt. And. p. 95. *) In re publica tractanda quas partes sequutus sit, ex eo satis intelligitur, quod Lacedaemoniorum proxenus fuisse perhibetur apud Xenoph. Conv. VIII, 39. Hellen. V, 4, 22. VI, 3, 4. Quo factum est, ut aliquoties Spartam pacis conciliandae causa missus sit, qua de re ipse magnifice gloriatur apud Xenoph. Hell. VI, 3, 4. Quas legationes quo tempore obierit, ignoramus, nisi quod postrema in Olymp. CII, 2. incidit. Eundem priori tempore cum Iphicrate in bello Corinthiaco exercitus praetorem fuisse constat e Xenoph. Hell. IV, 5, 13. et Harpocr. s. v. ξενικόν. Daduchi munere in Calliarum familia prope hereditario (Krueger de Pace Cimon. p. 257.) functum esse docent Andoc. l. l. p. 119. Xenoph. Hell. VI, 3, 3. Conviv. VIII, 40. De tempore quo obierit, nihil certi constat, nisi quod vitam eum ultra Olymp. CII, 2. produxisse e Xenophonte vidimus, unde pergrandem natu hominem obisse intelligitur, quod in tanta flagitiosissimae vitae turpitudine mirari liceret, nisi corpore usum esse sciremus robusto et ad omnia ferenda idoneo. Cf. Xenoph. Conv. VIII, 40. Mortis rationem unus tradidit Aelian. V. H. IV, 23. cujus tamen narratio parum habet ad persuasionem probabilitatis.

*) Praeter duos istos etiam alium ejus filium commemorat Theopompus apud Schol. Aristoph. Vesp. 1260. (1216.) Ὁ παῖς αὐτοῦ, διὰ τὸ πᾶν. Τίς παῖς δ' ἐστὶ πλὴν — ὁ δὲ Σάκκας ὁ Μυρὶς καὶ τὸ Κελλίου υἱὸς. Ad quem locum respexit etiam Schol. Av. 31. ubi leg. Σάκκας pro Σάκκας et in Cratini versu εὐστρεφῆ.

Hujus igitur Calliae luxuriam et adsentatores impudentissimos Eupolis hac in fabula exagitandos sibi sumserat, qua in re ita versatus est, ut nulla fere ejus fabula majorem laudem sit consecuta. De tempore, quo eam docuit, omnem dubitationem eximit Athen. V. p. 218. c. Hipponicum obiisse dicens *πρὸ τῆς ἐπ' Ἀλκαίου διδασκαλίας τῶν Εὐπόλιδος Κολάκων*. Acta igitur Olymp. LXXXIX, 3. duobus annis post Hipponici obitum. Asperrimis autem facetiis Calliam a poeta sugillatum esse, tum per se probabile est, tum vero ex fragmentis intelligitur. Nam quod Athenaeus XI. p. 506. f. dicit, gravius etiam, quam ab Eupolide factum sit, Calliam notasse Platonem in Protagora, id, qui Protagoram legerit, nemo concedet. Extremam hominis mollietatem tetigisse videtur Eupolis his versibus apud Athen. XIV. p. 650. a.

*ἐς χαρίτων μὲν ὄζει, καλλαβίδας δὲ βαίνει,
σησαμίδας δὲ χέζει, μῆλα δὲ χρέμπτεται.*

Cfr. Schol. Arist. Av. 284. Contra Hipponici parcitatem et sobrietatem, quamquam non sine quodam ironiae colore indicat fragmentum apud Athen. VII. p. 528. e. Alcibiadem etiam male habitum esse, docet locus ibid. XII. p. 555. a. Sed praeter ipsum Calliam maxime omnium, quantum quidem e fragmentis fabulae intelligitur, Protagoram tum temporis Athenis versantem, Schneid. de Xenoph. Conv. p. 133. sq. ceterosque Calliae assentatores et parasitos *κοιλοδαίμονας*, Athen. III. p. 100. b., insectatus est, quos nec ferro nec igni ab epulis removeri posse dicit in fragm. ap. Plutarch. de Amic. et Adul. p. 50. D. et de princ. vir. philos. p. 778. E. cll. de Amic. et Adul. p. 54. B. ubi qui affertur Eupolidis versus:

τῶν περὶ τάγηνον καὶ μετ' ἄριστον φίλων,

ex eadem fabula ductus videtur. Chorum fabulae ex ipsis illis adulatoribus constitisse ex Athen. VI. p. 237. intelligitur, ubi munia sua totamque agendi vivendique rationem festivissimis versibus describunt. Lautissimis Calliae epulis, in quibus scorta et pocula assentationis praemia proponebantur, Maxim. Tyr. IV. p. 46. Athen. VII. p. 286. b, ex qua fabulae parte petita sunt quae Athen. I. p. 22. f. servavit, lautissimis igitur epulis excepti adsentatores rapacissimi, denique, ut est in loco apud Polluc. IX, 90

Φορῶσιν ἀρπάζουσιν ἐκ τῆς οἰκίας
τὸ χρυσίον τὰργύρια,

bonisque regem suum spoliant. Praeter Protagorani aliosque Sophistas adfuisse etiam Melanthium poetam tragicum, gulositate infamem, docet Schol. Arist. Pac. 805. Orestem, nocturnum grassatorem, Arist. Av. 712., et Marpsiam, turbulentum demagogum, Arist. Acharn. 701. cum Scholiis, inter Calliae adulatores commemorat Aelian. apud Suidam s. v. *βομβῶσων*, ut hos etiam in scenam introductos fuisse conjicias. Nomen fabulae ut hoc addam, praeter Phrynichum Ecl. p. 159. attigit Athenaeus p. 256. c. *κάλαντος* ab Eupolide dictos esse admonens, quos sequiori aetate *παρμπῆτους* appellaverint*), qui quo habitu, certe quo vestium colore in scenam prodierint, docet Schweigh. ad Athen. Vol. III. p. 591.

Celebris itidem multisque scriptoribus memorata est fabula *Μαρκιάς* inscripta, quo Hyperbolum, turbulentissimi hominem ingenii, ab Eupolide significatum esse diserte testantur Arist. Nub. 547. sq. Quintil. I. 10, 17. Schol. Arist. Ran. 577. aliisque locis. Nomen non graecae sed barbarae originis esse indicat Hesychius: *μαρκιᾶν, κηαιδον. οἱ δὲ ὑποκρίματα παιδίου ἀλλήλους βαρβαρικῶς*, quo loco qui usi sunt ad Aristophanis Nubes Berglerus et Brunckius, non viderunt legendum esse *βαρβαρικῶν*. Ex persica lingua deduxit Bernardus ad Hesychium, admōnens ille etiam Etym. M. p. 221, 41. *Γαρκίμας ἐκ τοῦ Μαρκίας, ἢ ἐκ τοῦ γαρκίας καὶ μαρκίας. βαρβαρικὸν δὲ τὸ ἔπος καὶ ἡ κλίσις καὶ ὁ τόπος*. Quae non uno nomine corrupta sunt. Compara Hesych. v. *Γαρκιμάντας τοῖς βαρβαρίους*, quod non recte in *Γαρκιμάντας* mutari puto. Hinc apertum est apud Lucian. Lexiph. T. II. p. 526. pro *Καρκιμάντων* legendum esse *Γαρκιμάντων*. Cfr. Hemsterh. Anecd. I. p. 70. Sed utcumque de origine vocis statuatur, non inepte comparaveris vocem *μαρκία*, qua τὸ τῆς γυναικὸς μέγεθος indicari auctor est Theognostus apud Bekk. An. Gr. III. p. 1596. Flexum nominis attigit Herodianus ap. Eusth. ad Hom. Il. β. p. 500. 22. *ὁ δὲ Ἡρωδιανὸς τοῖς εἰρημένους*

*) Parasiti nomen, antiquitus honestissimum, primus omnium Alexis in deteriore sensum usurpavit. V. Casaubonum ad Athen. VI, 235.

παραπηγνύς καὶ τὸν παρὰ τῷ Κωμικῷ (Aristoph. Nub.) Μαρκῶν τὸ βάμβαρον ὄνομα διὰ τοῦ ντ κλιθῆναι λέγει παραφέρων χρῆσιν ταύτην. ἀλλ' οὖν ἔγωγέ σοι λέγω Μαρκῶντα μὴ κολάζειν quo loco usus est Blomf. ad Aeschyl. Pers. 65. sed duplici errore lapsus, tum quod incerti auctoris versum Aristophani tribuit, tum vero quod etiam apud Aristophanem Nub. 549. formam Μαρκῶντα pro Μαρκῶν reponi voluit, contra Eustathii admonitionem, qui verbis τὸν παρὰ τῷ Κωμικῷ Μαρκῶν perspicue ostendit, Herodianum etiam in suo Aristophanis codice editam lectionem reperisse. Itaque Herodiani admonitio hanc vim habet, ut Μαρκῶς, quod parisyllabum fecerit Aristophanes, etiam Μαρκῶντος flexum fuisse edoceamur. Idque ille deinceps incerti poetæ versu, quem Eupolidis esse putamus, confirmavit. Itaque probabile est in Eustathii verbis ante διὰ excidisse καὶ. Cfr. Lobeck apud Wolfium Anal. III. p. 50. sqq. ad Phrynich. p. 434, et Bekkeri Anecd. III. p. 1186. Apud Schol. Aristoph. Nub. 545. semel flectitur τοῦ Μαρκῶ. Quo anno docuerit fabulam Eupolis, constat e Schol. ad Nub. 549. ubi ex didascalii tertio post primas Nubes anno h. e. Olymp. LXXXIX, 4. actam esse docetur, mortuo jam Cleone et Hyperboli auctoritate in dies crescente. Didascaliarum fidem qui haudquaquam idoneis argumentis elevare conatus erat Callimachus, satis jam refutatus est ab Eratosthene apud Schol. l. l. sive ap. Bernhard. p. 212. Titulus fabulae passim miris modis corruptus est, ut apud Erotian. p. 396. ἐν Μαρσίᾳ, Lex. Seguer. p. 467. ἐν Μακαρικίᾳ et Antiatt. p. 111. Μακαρισμῷ. De argumento non est quod dubius haereas, quamquam quae ratio fuerit irrisiois fabulaeque oeconomia, ignoramus. Adscribam tamen Aristophanis locum ex Nub. 549.

Εὐπολὶς μὲν τὸν Μαρκῶν πρῶτιστον παρείλκυεν,
ἐκστρέψας τοὺς ἡμετέρους Ἰππέας κακὸς κακῶς,
προσθεὶς αὐτῷ γερῶν μεθύσσην, τοῦ κόρδακος οὐνεχ', *) ἥν
Φρύνηος πάλαι πεποίηχ', ἣν τὸ κῆτος ἥσθιεν.

Ex quibus hoc certe ad argumenti rationem colligi posse videtur, ut

*) Verba τοῦ κόρδακος οὐνεχ ad sequentia traxit Scholiastes. Formulam ipsam ex Aristophane mutuatus est Aristides Orat. T. III. p. 708. B.

quemadmodum Cleonem ab Aristophane, ita fere Hyperbolum ab Eupolide irrisum fuisse intelligamus: cujus imitationis luculenta afferri possunt exempla, quorum unum posuit Spaldingius ad Quintil. I, 10, 18. Sed Eupolis etiam matrem hominis, temulentam mulierem, deridendam spectatoribus propinaverat, in quo cum Phrynichi vestigia sequutum esse criminatur Aristophanes.

Quam Πόλεων nomine inscripsit fabulam, ejus argumentum haud dissimile fuisse videtur ei, quod in Δήμοις tractaverat; certe graviter trahit Atheniensium ducum pravitatem apud Athen. X. p. 425. b. et Schol. Arist. Nub. 533. item Denum Pyrilampis filium ap. Schol. Vesp. 48. ubi leg.: Τῷ Πυριλάμπους ἄξα Δήμῳ κυβέλη "Ερεστιν, et Adimantum apud Schol. Ran. 1561. ubi pro Λευκλόφῳ scribendum Λευκλοφίδου, de quo homine vide T. Hemsterh. ad Lucian. I. p. 157. et Heindorf. ad Platonis Protag. p. 436. Neque lenioribus conviciis exagitavit Amyniam (sive Aminiam, cujus nomen etiam incerto poetae apud Hephaest. VI. p. 36. pro Ἀμειψίαν restituendum) apud Schol. Vesp. 1265., Simonem apud Schol. Nub. 350., Autolyce matrem apud Schol. Lysistr. 270. ubi leg. ἔξῃς πᾶς ἀνὴρ, multosque de eodem genere alios. Ejusdem fabulae versum auctoris nomine celato servavit Dio Chrysost. Orat. XXXII. p. 655. Rsk. τοιαῦτα ἐν ταῖς κωμῳδαῖς λέγεσθαι δῆμος πυνυκίτης δύσκολον γερόντιον ὑπόκωφον, καὶ τί δ' ἔστ' Ἀθηναῖος, τὸ πρᾶγμα ἀπάμοτον. Ubi frustra laborare videas interpretes. Prior sane notissimus Aristophanis est versus ex Equitibus petitus, alter autem, qui ita scribendus est:

τί δ' ἔστ' Ἀθηναίοισι πρᾶγμα ἀπάμοτον;

ad eam, de qua agimus, fabulam referendus est, ut intelligas e Lexic. Seguer. I. p. 441. De tempore, quo commissa sit fabula, si quaeris, haud sane post Chiorum defectionem ab Atheniensibus Olymp. XCI, 4. doceri potuit, ut ostendit locus apud Schol. Arist. Av. 831.

αὕτη Χίος, καλὴ πόλις,

πέμπει γὰρ ἡμῖν ναῦς μακρὰς ἄνδρας θ', ὅταν δεῖσῃ.

Aliud temporis indicium praebet fragmentum apud Schol. Pac. 1031. quamvis corruptum:

ὥς αὖ τίν' ἔλθω δῆτά σοι τῶν μάντεων;
 πότερος ἀμείνων ἀμφοτέρων ἢ Στιλβίδης.

Stilbides vates nobilissimus et Niciae familiaris, ut e Plutarchi narratione Vit. Nic. 23. probabiliter efficias, supremum diem obiit Olymp. XCI, 5 quod quum in ipsa Sicilia evenerit, quo ille una cum Nicia profectus erat, Stilbides autem in Eupolidis loco ita commemoretur, ut tum Athenis fuisse videatur, vix dubitari potest, quin fabula nostra ante Siculam expeditionem h. e. Olymp. LXXXVII. vel LXXXIX. in certamen commissa fuerit.

Sed quae dicenda restant de Eupolide ejusque fabulis, quamquam uberrimos fructuosae disputationis fontes continent, tamen, ne in justo majorem molem accrescat libellus ei, quam in titulo posui, solennitati indicendae destinatus, eorum explicationem in aliud tempus differamus. Quod igitur reliquum est, Virum Excellentissimum, Illustrissimum, Regiae potestatis Ministrum, Liberum Baronem ab ALTENSTEIN, Summum Praefectum Provinciae Brandenburgicae, Generosissimum Dominum a BASSEWITZ, Summi Senatus rerum sacrarum et scholasticarum curam gerentis Consiliarios Amplissimos Illustrissimos, Synedrui sacri in Provincia Brandenburgica Consiliarios summe reverendos, denique omnes quicumque literarum studiis et Illustris Gymnasii Joachimici rebus favent, ea qua decet reverentia et pietate quaesumus et rogamus, ut frequentia sua solennitati supra commemoratae decus et honorem addere ne dedignentur. Scrib. d. 28. m. Iunii a. MDCCCXXVI.
